



JADIKAN SUBANG JAYA SMART CITY TERKEMUKA



Semoga dengan kejayaan ini, MPSJ dapat meneruskan perkhidmatan perbandaran terbaik buat rakyat sekaligus mengangkat martabat Subang Jaya sebagai salah sebuah Smart City terkemuka di Selangor

Dato' Seri Mohamed Azmin Ali
Menteri Besar

BERITA PUH MUKA 3

MPSJ TERIMA ANUGERAH ANTARABANGSA

■ Pengiktirafan antarabangsa menerusi Anugerah Smart City Innovation Application 2016 di Taipei World Centre 22 Mac

■ Diiktiraf pada Persidangan Green Economy Forum 2016 di Berlin, Jerman, 4 April lalu menerusi Anugerah The Green Era Award 2015



BERITA PUH MUKA 3


PRN SARAWAK
1 LAWAN 1



RM65 juta elaun
Guru KAFA

5

Perangi
Denggi
habis-
habisan



7

KHAS
SARAWAK

15

Pilihan Raya Negeri Sarawak Ke-11

Pakatan satu lawan satu berdepan BN

OLEH AFIX REDZUAN

PETALING JAYA - Pakatan Harapan (Pakatan) memutuskan pihaknya menentang Barisan Nasional (BN) dengan satu lawan satu pada Pilihan Raya Negeri Sarawak Ke-11 (PRN-11) yang bakal berlangsung tidak lama lagi.

Perkara itu diumumkan Presiden KEADILAN, Datuk Seri Dr Wan Azizah Wan Ismail dalam sidang media Majlis Presiden Pakatan Harapan pada 11 April lalu.

"Kita membincangkan berkenaan pilihan raya Sarawak dan sudah mencapai persetujuan tidak ada pertindihan kerusi antara kami.

"Alhamdulillah kita sudah mencapai keputusan untuk bertanding satu lawan satu di Sarawak," katanya di Ibu Pejabat KEADILAN, di sini.

Wan Azizah berkata, pecahan jumlah kerusi bertanding membabitkan ketiga par-



ti bakal diumumkan tidak lama lagi.

Menyentuh soal calon, beliau berkata, mereka sudah mempunyai calon masing-masing.

Katanya, antara isu yang menjadi modal kempen adalah isu milikan tanah, kos sara hidup dan infrastruktur.

Pada pilihan raya negeri 2011, BN

menang 55 daripada 71 kerusi yang diambil, tetapi kehilangan banyak kerusi kepada DAP (12), PKR (tiga) dan Bebas (satu).

Jika yakin menang besar kenapa wujud sekatan?

SHAH ALAM - Sekatan terhadap pimpinan pembangkang ke Sarawak menunjukkan Barisan Nasional (BN) goyah untuk menang besar dalam Pilihan Raya Negeri Sarawak ke-11 (PRN 11) meskipun Tan Sri Adenan Satem yakin mampu mengungguli hampir 70 kerusi Dewan Undangan Negeri (DUN).

Pemimpin pembangkang khususnya Pakatan Harapan (Pakatan) senada terhadap situasi tidak yakin Adenan itu meskipun beliau sudah menjelajah negeri Bumi Kenyalang termasuk kehadiran Perdana Menteri, Datuk Seri Najib Razak.

Naib Presiden KEADILAN, Tian Chua, berkata pihaknya menghormati kuasa yang ada pada Kerajaan Negeri, namun halangan itu tidak mencerminkan keyakinan mereka.

"Tindakan ini tidak menunjukkan keyakinan sama. Dengan menghalang kita, Ketua Menteri Sarawak ini (tidak) mempunyai keyakinan untuk bertanding secara adil," katanya.

Ahli Jawatankuasa Kerja Parti Amanah Negara (AMANAH), Khalid Abd Samad menyifatkan ha-

langan itu demi menjaga persepsi dan peranan dimainkan Parti Progresif Rakyat (PPR).

Beliau mendakwa 'faktor Najib dan BN' di peringkat nasional perlu diketepikan khususnya isu yang bakal dibawa Ahli Parlimen pembangkang dari Semenanjung.

"Dia tidak yakin dan faham rak-

Tindakan ini tidak menunjukkan keyakinan sama. Dengan menghalang kita, Ketua Menteri Sarawak ini (tidak) mempunyai keyakinan untuk bertanding secara adil

TIAN CHUA
Naib Presiden
KEADILAN

fat terbuka ekonomi Malaysia diambil kira dengan jumlah eksport dan import mencecah 131 peratus daripada KDNK, Malaysia mungkin mengalami permintaan global lemah.

Katanya, ia turut menyumbang kepada harga komoditi lemah untuk tempoh agak lama hingga menyebabkan permin-

yat Sarawak sudah bosan dengan BN khususnya di peringkat pusat. Apabila kita datang dan membawa isu peringkat pusat, itu mengakibatkan peranan parti PPP turut dipersoalkan dan mampu menjelaskan sokongan mereka," kata-

nya.

Setiausaha Publisiti Kebangsaan DAP, Tony Pua berharap rakyat Sarawak sedar wajah sebenar Adenan lebih keras menghalang pemimpin pembangkang berbanding zaman pemerintahan Tun Abdul Taib Mahmud.

"Sebelum ini beliau memberikan gambaran seorang reformis dan mempertahankan hak demokrasi dan membebaskan Sarawak daripada cara pemerintahan Taib Mahmud.

"Namun segalanya 'wayang'ahkan beliau lebih keras daripada Taib Mahmud sedangkan kita juga mengkritik pemerintahan beliau," katanya.



SHAH ALAM - Wakil rakyat pembangkang yang menganggotai Jawatankuasa Kira-Kira Wang Negara (PAC) menolak kenyataan Pengerusinya, Datuk Hasan Arifin yang berkata tiada bukti salah laku atau tiada wang hilang dari 1Malaysia Development Berhad (1MDB).

Anggota PAC terdiri lima Ahli Parlimen pembangkang berkata, laporan PAC menunjukkan berbilion ringgit mengalir keluar dari 1MDB dan tidak dipertanggungjawabkan.

"Kami menggesa Pengerusi PAC menarik semula kenyataan beliau kerana ia tidak berasas, tidak mencerminkan pandangan PAC keseluruhan dan berunsur penipuan.

"Diharap Pengerusi PAC tidak menyalah gunakan kedudukan sebagai ketua jawatankuasa Parlimen untuk BN dan kepentingan politik Perdana Menteri, Datuk Seri Mohd Najib Razak," kata kumpulan itu.

Selain Tan Seng Giaw selaku Timbalan Pengerusi PAC, ke-

nyataan bersama itu dikeluarkan Datuk Kamarul Baharin Abas, William Leong, Datuk Takiyuddin Hassan dan Tony Pua.

Mengulas lanjut penemuan PAC itu, mereka berkata, ia beranggah dengan dakwaan Hasan kononnya berpandukan kepada Laporan Ketua Audit Negara.

"Kami terkejut dan kecewa apabila Laporan Ketua Audit Negara langsung tidak dibentangkan di Parlimen, bersama laporan PAC berkenaan 1MDB yang sepatutnya berlaku," katanya.

PAC mahu polis melakukan siasatan ekoran 1MDB dan Kementerian Kewangan tidak menyerahkan penyata akaun bank dan dokumen mengesahkan pemilik firma asing terlibat, jelas mereka.

Sejumlah AS\$7 bilion tunai dan aset cair 1MDB tidak dapat disahkan.

"Ini menimbulkan kebimbangan setelah 'pelaburan' dan tunai 1MDB hilang tanpa dapat dikesan," katanya.

KDNK sebenar dijangka kurang 4 peratus

SHAH ALAM - Satu kaji selidik Moody's Investors Service yang dijalankan di Kuala Lumpur pada akhir bulan Mac 2016 menunjukkan lebih separuh responden percaya pertumbuhan KDNK sebenar Malaysia berkurang kira-kira empat peratus untuk 2016.

Penganalisis Kanan Moody's, Rahul Ghosh, berkata apabila si-

taan pelaburan berkurang dan memberi tekanan bawah ke atas eksport dan hasil kerajaan.

"Hutang beban isi rumah tinggi di Malaysia bersamaan dengan 89.1 peratus daripada KDNK pada 2015 akan menyekat keupayaan penggunaan swasta untuk menyokong permintaan dalam negeri," katanya.

Menurut pengurus dana dan pelabur ditinjau, hutang 1Malaysia Development Bhd (1MDB)

peratus bimbang tahap hutang korporat tinggi.

"Walaupun kami tidak mengambil kira tekanan hutang 1MDB sebagai risiko sistemik, situasi 1MDB adalah faktor penyumbang kepada peningkatan risiko politik dan mendedahkan kelemahan dalam institusi Malaysia," katanya.

Aplikasikan kecanggihan teknologi maklumat

Jadikan Subang Jaya Smart City terkemuka

OLEH ERMIZI MUHAMAD

SUBANG JAYA - Menteri Besar, Dato' Seri Mohamed Azmin Ali mahu Majlis Perbandaran Subang Jaya (MPSJ) meneruskan perkhidmatan terbaik sekali gus mengangkat perbandaran itu menjadi salah satu *Smart City* terkemuka di Selangor.

Beliau berkata, strategi perancangan bandar bukan sahaja responsif terhadap tuntutan pembangunan dan pertumbuhan tetapi turut berteraskan '*citizen centric engagement*' yang merupakan komponen terpenting gagasan Smart Selangor.

Katanya, sebagai langkah awal, MPSJ harus memberikan perhatian terhadap kecanggihan teknologi maklumat dan aplikasi '*internet of things*' dalam menentukan keutamaan atau '*smart solutions*'.

Ia dapat dilaksanakan menerusi platform dan aplikasi membolehkan MPSJ dan agensi kerajaan

melakukan 'real-time monitoring' terhadap aduan rakyat dan tindakan diambil dalam pelbagai isu termasuk isu kutipan sisa pepejal, trafik dan keselamatan.

"Kaedah ini juga dapat membantu MPSJ melihat *trend* sesuatu masalah dan menjadikan petunjuk prestasi utama (KPI) dalam penyelesaian masalah rakyat.

"Pada masa sama, harapan masyarakat tinggi terhadap sistem penyampaian MPSJ dapat ditingkatkan dan diperkemasan," katanya.

Beliau berkata demikian semasa Majlis Perasmian Anugerah Jawatankuasa Penduduk dan Zon Bersih JKP peringkat MPSJ 2015 di Grand Ballroom The Place One City, pada 10 April lalu.

Katanya, MPSJ harus menggunakan kesempatan ini untuk menggalakkan penglibatan rakyat dalam program kemasyarakatan termasuk menggerakkan komuniti untuk melibatkan diri dalam penyelesaian isu seperti

kesihatan, vandalisme dan keselamatan penduduk.

"*Engagement*' juga bermakna pemberdayaan penduduk membolehkan mereka berbangga untuk berada dalam kawasan kejiran mereka," katanya.

MPSJ menerima pengiktirafan antarabangsa menerusi anugerah Smart City Innovation Application 2016 di Taipei World Centre 22 Mac lalu.

Lebih manis, MPSJ turut diiktiraf pada Persidangan Green Economy Forum 2016 di Berlin Jerman, 4 April lalu menerusi Anugerah The Green Era Award 2015.

Katanya, menjadi tanggungjawab Kerajaan Negeri bukan sahaja untuk membangunkan perbandaran tetapi juga komuniti di Selangor.

Penilaian antarabangsa, MPSJ tepati kriteria utama

SHAH ALAM - Pengiktirafan antarabangsa kepada Majlis Perbandaran Subang Jaya (MPSJ) menerusi Anugerah Smart City Innovation Application 2016 dan Anugerah The Green Era Award dinilai menerusi beberapa kriteria dalam memberikan perkhidmatan terbaik kepada masyarakat.

Pegawai Komunikasi Korporat MPSJ, Muhammad Azli Miswan, berkata penganugerahan itu bukan melalui penyertaan sebaliknya berdasarkan percalonan dibuat organisasi itu.

"Menjadi kebanggaan MPSJ apabila terpilih menjadi satu-satunya yang menerima anugerah ini di antara 132 negara yang menganggotai organisasi ini," katanya kepada SelangorKini pada 12 April

lalu.

Menerusi pengiktirafan The Green Era Award yang diadakan di Berlin German 4 April lalu, penilaian dibuat menerusi beberapa kriteria iaitu, kepuasan pelanggan, kepimpinan, pendidikan berterusan dan perdagangan.

Penganugerahan juga dinilai menerusi piawaian kepuasan Kualiti Pelanggan di bawah ISO 9001.

Bagi penganugerahan Smart City Innovation Application 2016 di Nangang Exhibition Hall Taipei World Trade Center pula, keputusan dinilai menerusi inisiatif hijau yang dilaksanakan MPSJ ke arah melestarikan bandar hijau.

Ini bukan pertama kalinya MPSJ merangkul pengiktirafan di peringkat antarabangsa. Sebelum ini menerusi Anugerah Emas bagi kategori 'Sustainability' dan Anugerah Perak dalam kategori 'Regional and National Goverment'.

Selain itu, kejayaan itu turut diselangi beberapa pengiktirafan tertinggi lain menerusi Anugerah Green Apple Awards tahun lalu bagi kategori 'The Environment Best Practise' menerusi dokumentari hijau bertajuk 'The Biomass Way'.



Dato' Nor Hisham Ahmad Dahlan

Pelan Tindakan Bandar Hijau 2030 Iestari kehidupan bandar

SHAH ALAM - Majlis Perbandaran Subang Jaya (MPSJ) konsisten memberi tumpuan terhadap aspek kesejahteraan masyarakat melalui program hijau ke arah mewujudkan perbandaran mampan.

Pegawai Komunikasi Korporat MPSJ, Muhammad Azli Miswan, berkata ia selaras dengan pelaksanaan Pelan Strategik MPSJ 2012-2030 yang kini sudah membawakan hasil apabila menerima pengiktirafan di peringkat antarabangsa.

"MPSJ konsisten terhadap pelaksanaan inisiatif hijau dalam mewujudkan perbandaran bersifat mampan."

"Tujuannya untuk meningkatkan tahap kesejahteraan penduduk serta kesedaran awam dalam memupuk semangat cintakan keindahan dan kebersihan," katanya.

Pelan Tindakan Bandar Hijau MPSJ 2030 adalah dokumen perancangan strategik membabitkan Rancangan Tempatan MPSJ (P2) 2020, Pelan Strategik MPSJ 2013-2030 dan Kajian Lalu lintas dan Pengangkutan Jalan MPSJ 2013.



SSDU terjemah gagasan Smart Selangor

SHAH ALAM - Smart Selangor Delivery Unit (SSDU) ditubuhkan Kerajaan Negeri sebagai unit khas penyampaian memastikan pelaksanaan gagasan Smart Selangor lebih berkesan.

Menteri Besar, Dato' Seri Mohamed Azmin Ali, berkata antara laporan awal SSDU adalah keperluan menyediakan Blueprint Smart Selangor untuk merangka pelan jangka panjang bagi tempoh 10 hingga 20 tahun.

Katanya, Blueprint itu dijangka siap pada hujung tahun ini bagi memastikan agenda itu dapat dilaksanakan.

"SSDU juga melaksanakan empat projek perintis Smart Selangor dengan kerjasama agensi kerajaan dan swasta dalam tahun ini," katanya di Dewan Negeri Selangor (DNS), baru-baru ini.

Mohamed Azmin ber-

kata, antara projek itu termasuk menangani masalah pengurusan sisa pepejal berasaskan penyelesaian pintar (smart solution) di Majlis Perbandaran Klang (MPK).

Katanya, usaha itu membabitkan aplikasi aduan atas talian membolehkan rakyat melaporkan pelbagai perkara seperti sampah, jalan rosak dan isu keselamatan untuk diselesaikan lebih berkesan menerusi pusat aduan bersepadu.

"Projek lain adalah pembangunan Smart City berdasarkan Pembangunan Berorientasikan Transit (TOD) dengan memasukkan komponen 'smart solution'.

"Terakhir adalah penggunaan alat pengesan atau Environmental Monitoring Sensor bagi pemantauan indeks kualiti air dan persekitaran di sungai utama Selangor," katanya.

Bantu sandang jawatan lebih tinggi

Selangor anjur program perkasa penjawat awam



OLEH ERMIZI MUHAMAD

SHAH ALAM - Usaha melahirkan penjawat awam lebih mampu dan berdaya saing diteruskan melalui inisiatif program pembangunan dan latihan kerjaya.

Menteri Besar, Dato' Seri Mohamed Azmin Ali, berkata pelaksanaannya diharap mampu melonjakkan lagi integriti penjawat awam bersama Kerajaan Negeri mengurus pentad-

biran dengan lebih baik.

"Kerajaan Negeri sentiasa memberikan latihan pembangunan kerjaya bertujuan melahirkan penjawat awam lebih yakin dan mempunyai nilai tambah dalam diri mereka."

"Kita harapkan penjawat awam lebih yakin menyandang jawatan lebih tinggi demi kemajuan kerjaya pada masa akan datang," katanya dalam Sidang Dewan Negeri Selangor (DNS)

pada 4 April lalu.

Mohamed Azmin berkata, seramai 6,168 penjawat awam meliputi jawatan tetap dan kontrak juga tidak terkecuali menjalani latihan pembangunan kerjaya dilaksanakan Kerajaan Negeri.

Katanya, pelaksanaan itu diharap mampu meningkatkan motivasi pekerja ke arah pembentukan penjawat awam lebih kompetensi di peringkat tertinggi.

Hargai pembayar cukai, saji perkhidmatan terbaik

PETALING JAYA - Pendekatan 'people engagement' penting bagi pihak berkuasa tempatan (PBT) mendepani cabaran berurusan dengan pembayar cukai.

Menteri Besar, Dato' Seri Mohamed Azmin Ali, berkata pembangunan masa kini juga menuntut PBT membabitkan pembayar cukai dalam setiap perancangan mereka.

Katanya, dengan itu pembayar

cukai lebih menghargai seterusnya bersama-sama menjayakan setiap perancangan PBT.

"Orang Petaling Jaya 'demanding', begitu juga dengan wakil rakyatnya kerana mereka mahu terbaik dengan pembangunan teratur dan tersusun demi kesejahteraan rakyat."

"Jadi, Majlis Bandaraya Petaling Jaya (MBPJ) kena 'engage' dengan mereka serta sabar menghadapi karenah pembayar

cukai dengan kemahiran serta ilmu," katanya.

Beliau berkata demikian pada Majlis Anugerah Perkhidmatan Cemerlang 2015 dan Meraikan Pesara 2016 MBPJ di Dewan Sivik, pada 8 April lalu.

Majlis menyaksikan seramai 143 kakitangan MBPJ menerima Anugerah Perkhidmatan Cemerlang selain 23 pesara menerima sijil penghargaan dan cenderamata.

Unit Integriti terima 117 aduan, semuanya diambil tindakan

SHAH ALAM - Unit Integriti Kerajaan Negeri menerima 117 aduan integriti membabitkan penjawat awam sehingga 29 Februari lalu.

Menteri Besar, Dato' Seri Mohamed Azmin Ali, berkata semua aduan diterima sudah diambil tindakan termasuk pengesahan dan pengesahan.

"Daripada jumlah aduan itu, 56 kes adalah kesalahan rasuah dan salah guna kuasa, tuntutan palsu (dua), tipu dan pecah amanah (enam) dan kesalahan pentadbiran (53)," katanya dalam sidang Dewan Negeri Selangor (DNS), baru-baru ini.

Berkenaan kes tata tertib, Mohamed Azmin berkata, sebanyak 10 kes diambil tindakan unit terbabit dan daripada jumlah kes kategori itu terdapat empat kes membabitkan kesalahan tidak hadir bertugas.

"Selainnya masing-masing melakukan kerja luar tanpa kebenaran bertulis daripada ke-tua jabatan, gangguan seksual, penyalahgunaan dadah, tuntutan pal-

su, pertuduhan jenayah di mahkamah serta kurang cekap dalam melaksanakan tugas.

"Berdasarkan kes tata tertib itu, antara tindakan diambil adalah dua dibuang kerja, diberi amaran (satu), ditangguhkan pergerakan gaji (satu), dirujuk kepada kaunseling (satu) serta lima kes masih dalam tindakan," katanya.

Mohamed Azmin berkata, Unit Integriti Kerajaan Negeri sentiasa berusaha memastikan tadbir urus organisasi dan penginstitusian integriti dilaksanakan secara efisien.

Dalam mencapai hasrat itu, katanya, antara inisiatif diambil selaras dengan fungsi teras unit terbabit adalah mewujudkan hubungan langsung dengan semua unit integriti dalam setiap jabatan dan agensi terlibat.

Katanya, unit terbabit juga menyediakan saluran aduan integriti penjawat awam melalui emel, talian telefon, fax, dan surat bagi memudahkan aduan dibuat.

Inisiatif taska asuhan di tempat kerja bantu pekerja



TASKA DI TEMPAT KERJA

PBT / Agensi	Jumlah
Majlis Perbandaran Petaling Jaya	1
Majlis Perbandaran Klang	2
Majlis Perbandaran Subang Jaya	2
Majlis Perbandaran Kajang	1
Majlis Bandaraya Shah Alam	1
Majlis Perbandaran Ampang Jaya	1
Majlis Perbandaran Selayang	1
Majlis Daerah Hulu Selangor	1
Pejabat SUK	1

SHAH ALAM - Kerajaan Negeri menyambut baik inisiatif diwujudkan pelbagai pihak termasuk syarikat swasta menerusi penubuhan taman asuhan kanak-kanak di tempat kerja.

Exco Kesihatan, Kebajikan, Hal Ehwal Wanita dan Keluarga, Dr Daroyah Alwi, berkata inisiatif itu memudahkan urusan kebajikan kanak-kanak dan lebih menjimatkan masa pekerja.

"Inisiatif ini boleh menjimatkan masa perjalanan mereka ke tempat kerja selain mampu memberikan keyakinan terhadap keselamatan anak-anak mereka."

"Malah, yuran dikenakan lebih rendah dan berpatutan," katanya dalam Sidang Dewan Negeri Selangor (DNS) pada 4 April lalu.

Daroyah berkata, sebanyak 14 jabatan membabitkan agensi kerajaan termasuk pihak berkuasa tempatan (PBT) dan badan berkanun seluruh negeri menyediakan kemudahan nurseri di tempat kerja.

Katanya, Kerajaan Negeri juga menerusi program Merakyatkan Ekonomi Selangor (MES) menyediakan program Skim Bantuan Asuhan Rakyat (Si Kembar) dengan bantuan yuran sebanyak RM100 sebulan.

"Kepada ibu bapa yang menghantar anak-anak ke taska berdaftar dengan Jabatan Kebajikan Masyarakat di Selangor yang memenuhi syarat ditetapkan, bantuan yuran RM100 sebulan diberikan kepada taska berkenaan," katanya.

Guru KAFA terima elaun sehingga RM1,500

RM65 juta peruntukan setahun

SHAH ALAM - Semua guru KAFA layak menikmati elaun bulanan berasaskan tahun perkhidmatan dari RM1,300 kepada RM1,500 sebulan mulai Januari 2016.

Exco Agama Islam, Adat Melayu, Pembangunan Desa dan Kampung Tradisi, Dato' Dr Ahmad Yunus Hairi, berkata Kerajaan Negeri memperuntukan RM65 juta setahun bagi pembayaran elaun terbabit.

Katanya, pembayaran dilakukan secara berperingkat mulai Mac 2016 ekoran proses kemas-kini data guru KAFA dengan memastikan guru sedia ada dan guru KAFA baru dilantik atau berhenti perkhidmatan.

"Ini menggunakan peruntukan diluluskan sidang belan-

jawan 2016 berjumlah lebih daripada RM18 juta," katanya di Sidang Dewan Negeri Selangor (DNS) baru-baru ini.

Ahmad Yunus berkata, elaun guru KAFA Selangor antara elaun tertinggi berbanding negeri lain.

Daripada 6,900 guru KAFA, beliau berkata, separuh daripadanya dibiayai seratus peratus Kerajaan Negeri, manakala selebihnya dari Kerajaan Persekutuan iaitu sebanyak RM800.

"Kerajaan Negeri berterima kasih kepada Kerajaan Persekutuan yang memberikan sumbangan lebih kurang RM37 juta setiap tahun untuk bayaran elaun guru takmir, imam, pegawai PPMD dan guru KAFA Selangor," katanya.



ELAUN TAMBAHAN GURU KAFA

Tempoh Berkhidmat	Elaun
Bawah 5 Tahun	RM50
5 - 10 Tahun	RM100
10-15 Tahun	RM150
Lebih 15 Tahun	RM200

RM5.6 juta ganti 2,800 lampu LED

SHAH ALAM - Sejumlah RM5.6 juta diperuntukan bagi penggantian 2,800 lampu LED (Light Emitting Diode) di jalan negeri diselenggara di bawah geran Kumpulan Wang Penyelenggaraan Jalan Negeri (MARRIS).

Exco Kerajaan Tempatan, Pemutihan Kilang Haram dan Pembangunan Kampung Baru, Ean Yong Hian Wah, berkata peruntukan itu disalurkan kepada pihak berkuasa

tempatan (PBT) dan dilaksanakan secara berperingkat.

"PBT sudah kemukakan senarai lokasi pemasangan lampu LED kepada Perbendaharaan Negeri Selangor (PNS), namun diminta menyemak semula berdasarkan kriteria diputuskan Majlis Mesyuarat Kerajaan Negeri (MMKN).

"Lokasi berkenaan mesti dikenal pasti sebagai hotspot jenayah serta nisbah pembahagian hen-

daklah 70 peratus di kawasan perumahan dan 30 peratus di jalan utama," katanya.

Ean Yong berkata, MMKN pada 22 September 2015 menimbang dan meluluskan cadangan penggunaan lampu LED bagi jalan diselenggara MARRIS.

Tujuannya bagi mencapai sasaran Bandar Selamat dengan keutamaan kepada kawasan hotspot jenayah seperti disahkan polis.

GIS-IT tawar penyelesaian kreatif

SHAH ALAM - Spatialworks Sdn Bhd yakin aplikasi dibangunkan menerusi Teknologi Sistem Maklumat Geografi (GIS-IT) mampu menjayakan hasrat Selangor menuju 'Smart State'.

Ketua Komunikasi Korporatinya, Megat Iskandar At-Terawis, berkata data daripada aplikasi itu mampu membantu Kerajaan Negeri membuat keputusan tepat sebelum sesuatu pembangunan dilaksanakan.

"Sebagai contoh aplikasi kita dihubungkan dengan peta untuk mengesan laluan bas, sistem kita dapat membantu Kerajaan Negeri mahupun rakyat tahu apabila laluan bas itu berada dan anggaran masa untuk bas sampai ke sebuah destinasi.

"Jika Kerajaan Negeri ingin melaksanakan sesbuah projek di kawasan tertentu, sistem kami dapat membantu dalam membuat keputusan tepat dengan mengkaji terlebih dahulu keadaan cuaca di kawasan itu dengan menggunakan aplikasi ini," katanya kepada SelangorKini.

Megat berkata, pihaknya sudah bekerjasama dengan Jabatan Alam Sekitar (JAS) dalam



projek memantau kualiti udara dan air.

Menerusnya usahasama itu, GIS-IT terbukti berkesan membantu JAS melihat arah angin dan jangkaan berlakunya jerebu.

Megat berkata, GIS-IT bukan sahaja membantu menyediakan penyelesaian kreatif, bahkan menawarkan kos paling efektif kepada setiap pelanggan.

"Dengan ada sistem sebegini, kita dapat menjangkakan bila tiba musim jerebu dan arah angin. Jika ia menghala ke Malaysia

kerajaan dapat membuat persiapan dan maklumat awal dapat disampaikan kepada rakyat untuk menghadapi musim jerebu.

"Menerusi perolehan maklumat awal ini, segala tindakan dan keputusan dapat dibuat lebih awal oleh kerajaan," katanya.

Sejak penubuhannya pada 2000, Spatialworks Sdn Bhd sudah membuat kajian terperinci dalam sektor GIS-IT Alam Sekitar sekumpulan profesional yang pakar dan mahir dalam teknologi geografi.

Selangor Cyber Valley tarik minat pelabur

SHAH ALAM - Perancangan pembangunan bandar baru, Selangor Cyber Valley (SCV) tersusun dan dinamik menarik minat syarikat swasta, Lam Soon Edible Oil (M) Sdn Bhd.

Pengarah Eksekutifnya, Khoo Heng Suan, berkata SCV yang berkonsepkan pembangunan bandar pintar (*Smart City*) sesuai dengan pembangunan moden hari ini.

Katanya, pengurusan cekap dan mantap Perbadanan Kemajuan Negeri Selangor (PKNS) turut membuka ruang jalinan kerjasama bagi meluaskan empayar syarikat itu.

"SCV juga dilengkapi semua kemudahan diperlukan, apalagi dengan kedudukannya strategik di Lembah Klang.

"Selain itu, kami juga ber-

peluang untuk bertemu rakan daripada luar negara seperti Jepun, seterusnya memajukan lagi bidang penyelidikan dan pembangunan (R&D) di sini," katanya dalam sidang media.

Terdahulu, beliau mewakili Lam Soon bagi menyempurnakan upacara Menandatangani Perjanjian Pajakan Tanah Seluas 24.21 ekar di Selangor Cyber Valley dengan PKNS.

PKNS pula diwakili Kontroler Pembangunan Wilayah Selatan, Lokman Abdul Kadir dan Setiausaha Kerja, Roziah Ahmad dengan disaksikan Pengurus Besarnya, Azlan Md Alifiah.

Kerjasama itu membolehkan Lam Soon membangunkan pejabat, gudang simpanan serta R&D di SCV.

SELANGOR KINI SIDANG PENGARANG

PENASIHAT: Lembaga Editorial CCSB

KETUA PENGARANG: Cecelia Alphonsus

PENGARANG: Nurul Farina Nazlan

PENOLONG PENGARANG: Mohd Ezli Mashut, Naeem Raffi, Afeeqa Afeera

WARTAWAN:

Hafizan Taib: hafizantaib@mediaselangor.com,

Nazli Ibrahim: nazli@mediaselangor.com,

Afix Redzuan: syafiq@mediaselangor.com,

Lizawati Madfa: lizawati@mediaselangor.com,

Norhayati Umor: hayati@mediaselangor.com,

Syasya Sufian: syazwanisufian@mediaselangor.com

Ermizi Muhamad: noraizie@mediaselangor.com

PENGURUS PEMASARAN & PENGIKLANAN:

Budi Setyawan: budi@mediaselangor.com | 013 399 2848

JURUGAMBAR: Asri Sapie, Raheemie Arifin & Shuaib Ayob

GRAFIK & REKA LETAK: Unit Grafik CCSB

Aras 2, Carlton Holiday Hotel & Suites, No 1, Persiaran, Akuatik 13/43,

Seksyen 13, 40100, Shah Alam, Selangor

Tel: 03-5523 4856 Faks: 03-5523 5856 Emel: info@mediaselangor.com

OLEH NAZLI IBRAHIM

SHAH ALAM - Kerajaan Selangor berjaya meningkatkan kutipan hasil premium meskipun hanya mengenakan bayaran serendah RM1,000 untuk mendapatkan hak milik tanah.

Menteri Besar, Dato' Seri Mohamed Azmin Ali, berkata keadaan itu bukanlah sesuatu yang menghairankan ekoran kecekapan Kerajaan Negeri mengurus kutipan hasil demi kepentingan rakyat.

Katanya, ia berbeza sama sekali ketika Selangor berada di bawah pentadbiran Umno Barisan Nasional (BN).

"Faktor peningkatan ini didorong kecekapan Kerajaan Negeri dalam menyusun kaedah dan mekanisme premium berbanding BN yang kurang cekap, banyak bocor dan tiris.

"Sebagai contoh, kita wujudkan sistem Premium Tracking bagi memantau tempoh pembayaran premium dan mensyaratkan semua pemohon menyelesaikan bayaran terlebih dahulu sebelum pelan pembangunan dan kebenaran merancang diluluskan PBT," katanya di Dewan Negeri Selangor (DNS) baru-baru ini.

Mohamed Azmin berkata, sikap tidak bertanggungjawab ke-

Cekap urus tadbir

Premium tanah rendah, kutipan hasil meningkat

rajaan terdahulu menyebabkan Kerajaan Pakatan hari ini terpaksa memikul beban menyelesaikan masalah berkenaan.

Katanya, sikap mementingkan kroni turut menjadikan pembeli projek perumahan sebagai mangsa apabila rumah dijanjikan gagal diserahkan sehingga mencecah berpuluh tahun.

"Kerajaan Negeri tidak mahu mengulangi kecuaian kerajaan sebelum ini meluluskan kebenaran merancang sebelum membayar premium seperti projek pembangunan di Lestari Perdana Puchong oleh Talam Corporation," katanya.

Selain kecekapan mengurus kutipan premium, kemampuan Kerajaan Negeri menarik pelabur dalam dan luar negeri turut menjadi faktor peningkatan kutipan premium.



Penduduk gembira setelah menerima hak milik tanah daripada Kerajaan Negeri

'Beli Kemudian Jual' kekang projek terbengkalai berleluasa

SHAH ALAM - Kerajaan Negeri menggalu-alukan konsep 'Beli Kemudian Jual' (BKJ) diperlakukan pemaju perumahan di Selangor.

Exco Infrastruktur dan Kemudahan Awam, Pemodenan Pertanian dan Industri Asas Tanah, Zaidy Abd Talib, berkata konsep itu diyakini mampu mengekang masalah projek perumahan terbengkalai.

"Bagaimanapun, Kerajaan Negeri tidak berhasrat mewajibkan konsep ini memandangkan ia tertakluk kepada bidang kuasa Kementerian Perumahan

i

PROJEK TERBENGKALAI

PBT	Jumlah (Projek)
Majlis Bandaraya Shah Alam (MBSA)	11
Majlis Bandaraya Petaling Jaya (MBPJ)	3
Majlis Perbandaran Subang Jaya (MPSJ)	3
Majlis Perbandaran Ampang Jaya (MPAJ)	4
Majlis Perbandaran Klang (MPK)	30
Majlis Perbandaran Kajang (MPKj)	12
Majlis Perbandaran Selayang (MPS)	9
Majlis Perbandaran Sepang (MPSP)	7
Majlis Daerah Kuala Selangor (MDKS)	8
Majlis Daerah Hulu Selangor (MDHS)	14
Majlis Daerah Kuala Langat (MDKL)	13
Majlis Daerah Sabak Bernam (MDSB)	1



dan Kerajaan Tempatan (KPKT).

"Pembatalan pelaksanaan konsep ini di peringkat persekutuan kerana bimbang pemaju kecil tidak mampu menanggung kos pembinaan amat dikesalih," katanya di Dewan Negeri Selangor (DNS) baru-baru ini.

Zaidy yang juga ADN Taman Templer berkata, sehingga kini terdapat 115 projek perumahan terbengkalai membabitkan lebih 25,000 unit.

Insentif khas galak pemaju sertai BKJ

SHAH ALAM - Kerajaan Negeri sedia mempertimbangkan insentif khas kepada pemaju dalam usaha menggalakkan sistem 'Beli Kemudian Jual' (BKJ).

Exco Perumahan, Pengurusan Bangunan dan Kehidupan Bandar, Dato' Iskandar Abdul Samad, berkata penawaran insentif itu dijangka mampu menarik minat pemaju menggunakan sistem 10-90 itu.

"Kita pernah tawar insentif untuk pembinaan rumah mampu milik dan hasilnya ramai pemaju berminat sehingga mencapai 22,000 unit.

"Bagaimanapun, banyak pemaju keberatan dengan sistem BKJ disebabkan masalah pinja-

man, masalah kewangan syarikat dan lain-lain. Jadi kita akan lihat perkara ini dan membuat kajian lebih terperinci," katanya di Dewan Negeri Selangor (DNS), baru-baru ini.

Iskandar berkata, pelaksanaan sistem itu terletak dalam bidang kuasa Kerajaan Persekutuan, namun ditangguhkan sehingga kini.

"Di bawah ruang lingkup dan bidang kuasa Kerajaan Negeri, kita mahu lihat insentif bagaimana boleh diberikan.

"Bagi rumah mampu milik, kita berikan insentif premium rendah, pengecualian caj pembangunan dan peningkatan kadar densiti," katanya.

Selangor sedia bagi tanah bina PPR

SHAH ALAM - Selangor sedia memberi kelulusan tanah buat Kerajaan Persekutuan membina Projek Perumahan Rakyat (PPR) di negeri itu.

Exco Perumahan, Pengurusan Bangunan dan Kehidupan Bandar, Dato' Iskandar Abdul Samad, berkata Kerajaan Negeri sentiasa menggalu-alukan kerjasama Putrajaya untuk membangunkan

projek berteraskan rakyat.

"Dalam sebuah mesyuarat awal tahun ini, Timbalan Menteri Perumahan merayu negeri lain, bukan Selangor, untuk mempercepatkan kelulusan tanah bagi tujuan PPR.

"Walaupun sama parti memrintah, nak meluluskan tanah pun payah," katanya di Dewan Negeri Selangor (DNS), baru-baru ini.

Tubuh Jawatankuasa Tertinggi

Perangi denggi habis-habisan

OLEH LIZAWATI MADFA

SHAH ALAM - Satu jawatankuasa peringkat tertinggi yang dipengerusikan Menteri Besar, Dato' Seri Mohamed Azmin Ali ditubuhkan dalam usaha memerangi denggi.

Exco Kesihatan, Kebajikan, Hal Ehwal Wanita Dan Keluarga, Dr Daroyah Alwi, berkata jawatankuasa itu juga akan dianggotai Exco Kerajaan Tempatan dan Exco Perumahan.

Katanya, kesemua Datuk Bandar dan Yang Dipertua pihak berkuasa tempatan (PBT) juga turut serta dalam jawatankuasa khas itu.

"Kita akan mengenal pasti langkah harus diambil menangani denggi di peringkat Kerajaan Negeri.

"Jawatankuasa ini dijangka mula bermesyuarat pada Selasa ini bersamaan 12 April 2016," katanya ketika merasmikan Program SEDA-10 (Cari dan Musnah Aedes 10 Minit) Peringkat Zon MPP MBSA dan Pelantikan Ahli Majlis sebagai Agen SEDA-10 2016, pada 9 April lalu.

Daroyah berkata, Kerajaan Negeri menerusi PBT juga menyertai Kementerian Kesihatan Malaysia (KKM) untuk memeriksa setiap rumah di kawasan lokaliti hotspot denggi.

"Ia berlangsung sebulan bermula 11 April hingga 10 Mei, dan kemudian KKM kaji keberkesannya.

"Kerajaan Negeri juga melihat dan putuskan langkah se-terusnya," katanya.



Kanak-kanak ejen kesedaran



SHAH ALAM - Skuad Anti Denggi Cilik (SAD-C) ditubuhkan bagi memupuk kesedaran masyarakat berkenaan bahaya Aedes dan denggi khususnya kepada masyarakat sekitar DUN Selat Kelang.

Ahli Dewan Negeri (ADN) Selat Klang, Dr Halimah Ali, berkata penganjuran program sedemikian memberi penekanan terhadap usaha berterusan Kerajaan Negeri memerangi denggi di seluruh Selangor.

Lebih istimewa katanya, skuad (SAD-C) dianggotai kanak-kanak dijadikan medium penyampai kepada masyarakat luar terhadap bahaya denggi.

"SAD-C ini memainkan peranan penting bagi membantu Kempen Sifar Aedes DUN Selat Klang.

"Kita terapkan pendidikan berkenaan pembiakan nyamuk Aedes supaya kanak-kanak dapat bercerita kepada keluarga masing-masing di rumah," katanya.

Beliau berkata demikian ketika berucap pada Majlis Pelancaran Skuad SAD-C di Tadika DUN Selat Klang di Serambi Kanan Masjid Darul Muttaqin, Sungai Udang pada 3 April lalu.

Pada majlis itu, seramai 197 kanak-kanak dari tujuh tadika sekitar DUN itu dipilih menyertai skuad berkenaan.

Dr Halimah berharap pelaksanaan program itu dapat diteruskan dengan memberi pendidikan awal kepada kanak-kanak secara konsisten bagi memastikan strategi sifar denggi dapat

Lebih istimewa, skuad (SAD-C) dianggotai kanak-kanak dijadikan medium penyampai kepada masyarakat luar terhadap bahaya denggi

DR HALIMAH ALI
ADN Selat klang

dilaksanakan.

"Kita mengambil sikap 'melentur buluh biarlah dari rebungnya' kepada kanak-kanak sejak dari kecil lagi berkenaan langkah pencegahan denggi yang mudah," katanya.

24 Ahli Majlis MBSA jayakan SEDA-10

SHAH ALAM - Majlis Bandaraya Shah Alam (MBSA) terus progresif dalam usaha memerangi denggi dengan melancarkan Program SEDA-10 (Cari dan Musnah Aedes 10 Minit) peringkat Majlis Perwakilan Penduduk (MPP).

Datuk Bandarnya, Datuk Ahmad Zaharin Mohd Saad, berkata Ahli Majlis dilantik sebagai pengurus untuk merangka dan melaksana aktiviti pembanterasan Aedes dan Denggi di kawasan mereka.

Katanya, antara program penting termasuk memberi peringatan kepada penduduk menjalankan pemeriksaan di premis masing-masing selama 10 minit.

"Ahli Majlis yang bertindak sebagai pengurus akan melantik jawatankuasa dan bertindak memastikan lokaliti teruk berubah lebih baik kepada kosong.

"Ini akan menjadi KPI (*key performance indicator*) kepada mereka, MBSA dan seterusnya kepada Kerajaan Negeri memerangi Aedes," katanya dalam sidang media di sini hari ini.

Terdahulu, beliau menghadiri Majlis Pelancaran Program SEDA-10 yang disempurnakan Exco Kesihatan, Kebajikan, Hal Ehwal Wanita Dan Keluarga, Dr Daroyah Alwi.

Bertempat di Intekma Resort and Convention Centre, majlis turut menyaksikan seramai 24

Ahli Majlis yang bertindak sebagai pengurus akan melantik jawatankuasa dan bertindak memastikan lokaliti teruk berubah lebih baik kepada kosong

AHMAD ZAHARIN
Datuk Bandar MBSA

Ahli Majlis menerima pelantikan sebagai Agen SEDA-10.

Zaharin berkata, program SEDA-10 bukan sahaja tertumpu kepada peringkat MPP, bahkan membabitkan sekolah, perkilangan dan bangunan bertingkat.

"Untuk peringkat sekolah sudah dilancarkan pada minggu lepas di Daerah Petaling dengan membabitkan 240 guru.

"Selepas ini, peringkat pekerja kilang dan juga wakil bangunan bertingkat untuk memberi kesedaran kepentingan pencegahan pembiakan Aedes," katanya.

Belangsungkawa

Dunia kewartawanan rasai kehilangan Pak Said

OLEH NAZLI IBRAHIM

SHAH ALAM - Menteri Besar, Dato' Seri Mohamed Azmin Ali menganggap pemergian bekas Pengarang Utusan Melayu, Said Zahari sebagai kehilangan besar terhadap dunia kewartawanan dan perjuangan demokrasi.

Katanya, ia ekoran Said atau lebih mesra dengan panggilan Pak Said adalah antara tokoh penting dalam sejarah kewartawanan menuntut kebebasan media sejak pentadbiran Tunku Abdul Rahman.

"Pemergian beliau adalah kehilangan besar kepada dunia kewartawanan dan perjuangan demokrasi di Malaysia dan Singapura.

"Saya mendoakan semoga Al-lahyarham Pak Said Zahari dikurniakan husnul khatimah dan ditempatkan di syurga yang penuh nikmat. #Belangsungkawa," kongsinya di Twitter.

Sebelum ini, Mohamed Azmin dalam kenyataan sempena ulang tahun kemerdekaan ke-58 berkata, Said adalah pencetus kepada kebebasan media bagi membina masyarakat yang mampu berfikir, berilmu dan bebas membaca bahan tidak dipengaruhi parti politik.

"Menentang penjajahan tidak semestinya dengan senjata di medan perperangan tetapi ada juga penjajahan minda yang memerlukan kekuatan moral rakyat hari ini untuk bangkit melakukan perubahan.

"Beliau adalah pejuang kerana memberi sumbangan besar dalam membina pemikiran rakyat Malaysia supaya bebas dan mempunyai jiwa, fikiran merdeka dan dengan kekuatan ilmu menjadi asas membina masyarakat hari ini dan akan datang," katanya.

Said Zahari, 88, menghembuskan nafas terakhir pada jam 12.30 tengah hari, 12 April lalu.

Beliau adalah pejuang kerana memberi sumbangan besar dalam membina pemikiran rakyat Malaysia supaya bebas dan mempunyai jiwa, fikiran merdeka dan dengan kekuatan ilmu menjadi asas membina masyarakat hari ini dan akan datang

MOHAMED AZMIN
Menteri Besar



Laporan Ketua Audit Negara berkenaan 1MDB masih OSA mengecewakan

KUALA LUMPUR - Ketidaaan Laporan Ketua Audit Negara dalam Laporan Jawatankuasa Kira-Kira Wang Negara (PAC) terhadap Kawalan Pengurusan Tadbir Urus Syarikat 1MDB nyata mengecewakan.

Ahli Parlimen Gombak, Dato' Seri Mohamed Azmin Ali, berkata laporan tidak lengkap menyukarkan Ahli Parlimen untuk membahas-kannya, tambahan ia tidak dimasukkan dalam aturan mesyuarat pada hari terakhir persidangan Dewan Rakyat.

Lebih mengecewakan katanya, terdapat dokumen yang masih diletakkan di bawah Akta Rahsia Rasmi (OSA).

"Satu laporan tidak lengkap kerana Laporan Ketua Audit Negara tidak dimuatkan dan masih lagi dikategorikan sebagai OSA dan bagaimana kita hendak membahaskan penemuan PAC kalau laporan tidak lengkap.

"Kalau kita tengok kertas aturan mesyuarat tiada ruang kita membahaskan penemuan PAC," katanya di lobi Parlimen pada 7 April lalu.

Mohamed Azmin yang juga Menteri Besar Selangor berkata, tindakan itu tidak demokratik ketika Parlimen ingin melakukan reformasi.

"Ini tidak demokratik dan bagaimana hendak melaku-

kan reformasi Parlimen kalau prosedur asas tidak dihormati dan Ahli Parlimen tiada ruang untuk membahaskan laporan PAC," katanya.

Sementara itu, Ahli Parlimen Petaling Jaya, Tony Pua mendakwa Perdana Menteri, Datuk Seri Najib Tun Razak gagal mengarahkan 1MDB bekerjasama dengan Peguam Negara dan Jawatankuasa Kira-Kira Wang Negara (PAC) mengumumkan dokumen diperlukan dalam siasatan.

Katanya, antara dokument dimaksudkan termasuklah penyata kewangan dan rekod perbankan luar negara.

Pemimpin Umno-BN terus kunci mulut

SHAH ALAM - Skandal membabitkan penyelewengan kewangan syarikat kontroversi, 1Malaysia Development Berhad (1MDB) terus dibiarkan berpanjangan.

Ketua Sekretariat Pakatan Harapan, Datuk Saifuddin Abdullah (**gambar**), berkata pimpinan Umno tidak memandang serius pendedahan laporan Jawatankuasa Kira-Kira Wang Negara (PAC) berkenaan status kewangan syarikat milik kerajaan itu.

"Pemimpin Umno Barisan Nasional (BN) tidak mengambil serius laporan PAC berkenaan 1MDB, sebaliknya mereka akan putar belit kenyataan isu lain.

"Contohnya isu kritikan Tun Dr Mahathir Mohamad yang dianggap dusta, penipuan dan sebagainya," tulisnya di Facebook, baru-baru ini.



Tidak terkejut dengan amalan sedemikian, Saifuddin berkata pemimpin Umno sedia ada menggunakan taktik lain untuk mengalih isu panas terbabit kepada sentimen mengaitkan pembangkang.

Beliau berkata, perkara itu diperbesarkan supaya masyarakat teralih kepada perkara lain, sekali gus menyapukan pertikaian utama membabitkan skandal 1MDB.

"Pemimpin Umno korek dan cipta kesalahan pemimpin pembangkang dengan isu lain, contohnya membabitkan isu debat Rahman Dahlan dan Lim Guan Eng," katanya.

Laporan PAC baru-baru ini mendedahkan 1MDB yang juga syarikat cetusan Perdana Menteri, Datuk Seri Najib Razak menanggung hutang sehingga RM50 bilion.

Lebih 90% mahasiswa tak sokong pentadbiran Najib

SHAH ALAM - Tinjauan mendapati bahawa 90 peratus mahasiswa tidak menyokong pentadbiran kerajaan dipimpin Perdana Menteri, Datuk Seri Najib Razak.

Kumpulan dikenali Challen ger menerusi jurucakapnya, Syed Saddiq berkata, tinjauan itu membabitkan lebih 5,000 mahasiswa di bawah umur 30 tahun di universiti seluruh negara.

"89 peratus daripada mereka juga tidak menganggap Najib sebagai pemimpin berintegriti dengan dua cadangan utama kepada beliau adalah untuk kerajaan menjana peningkatan dalam peluang pekerjaan atau kenaikan gaji serta mengawal kos sara hidup.

"Selain itu, peserta tinjauan turut mencadangkan supaya

kerajaan sentiasa membanteras rasuah, melaksanakan reformasi institusi, menyediakan pendidikan percuma atau biasiswa, kebebasan akademik dan beragama," katanya dalam kenyataan, 12 April lalu.

Syed Saddiq berkata, tinjauan itu membabitkan pengagihan secara manual dalam kalangan penuntut universiti di empat

fakulti dalam setiap universiti dan ada antaranya diedarkan menggunakan media sosial seperti Facebook dan Twitter.

Pada Februari 2015, Merdeka Center mendedahkan sokongan kepada Najib mencecah tahap 44 peratus pada Januari tahun sama, kedudukan kedua paling rendah sejak beliau dilantik sebagai Perdana Menteri enam tahun lalu.

Popularitinya menurun satu peratus daripada 45 peratus direkodkan pada November dan Disember 2014. Pada Oktober 2014, sokongan kepadanya di tahap 48 peratus.

Popularitinya merudum di tahap paling bawah pada Januari 2014 dengan 42 peratus, semasa peringkat tertinggi, 72 peratus, direkodkan pada Mei 2010.

MASJID ASY SYARIF

15-17 APRIL 2016
JUMAAT - AHAD

MS KARNIVAL JOM KE MASJID!

PEKAN MERU, KLANG

Bersama kita raikan!

Qiamullail Perdana
1.30 pagi | Dewan Solat

Ust. Imran Nasoha | Ust. Abdulkarim Omar
16 April (Sabtu) | 17 April (Ahad)

Kuliah Subuh Perdana
Dewan Solat

Ust. Syed Nurhisyam Al Idrus | Ust. Ahmad Husni Abd Rahman
Generasi Didik Anak-anakmu Ke Masjid
16 April (Sabtu) | 17 April (Ahad)

Kuliah Dhuha Khas
9.00 pagi | Pentas Utama

Ust. Harryanto Rizal Rokman | Ust. Ghazali Omar
Memasyarakatkan Institusi Masjid
16 April (Sabtu) | 17 April (Ahad)

Kuliah Maghrib Khas
Dewan Solat

Ust. Azman Abdul Halim | Ust. Haslin Baharim
Al-Mawaidzil Badiyah
16 April (Sabtu) | 17 April (Ahad)

Forum Perdana
Dakwah Preamur Siapa?

Moderator | Ijam Medicine | PU Amin | Ust. Ghazali Ezany
16 April (Sabtu) | Pentas Utama

Bicara Wanita Bersama Selebriti
Kersama Diramu Bagi Berbangga

Moderator | Ust. Rafidah Jannah Mohd Salleh | Panel Irma Hasmie | Panel Salimah Habibi
17 April | 2.30 petang | Dewan Hambali

HARI PERTAMA | 15 APRIL 2016 | JUMAAT

- 7.45 malam - Ceramah Perdana oleh Dr. Ust. Anhar Opir, Timbalan Mufti Selangor "Hati Yang Mengingati Masjid"
- 9.00 malam - Majlis Perasmian Pembukaan Karnival Jom Ke Masjid 2016 Oleh: YAB Dato' Azmin Ali, Menteri Besar Selangor
- Persembahan Nasyid - Hijazz

HARI KEDUA | 16 APRIL 2016 | SABTU

- 4.30 pagi - Qiamullail oleh Ust. Imran Nasoha
- 6.20 pagi - Kuliah Subuh oleh Ust. Syed Nurhisyam Al Idrus
- 9.00 pagi - Pameran / Derma Darah / Gerai Jualan
- Kuliah Dhuha oleh Ust. Harryanto Rizal Rokman
- Sukaneka Kanak-kanak
- Ceramah Bijak Sifir oleh Awaludin Md Yasin
- Pertandingan Street Soccer
- 'Combat Archery' & Sukan Berkuda
- 10.30 pagi - Anugerah Muslimat Pilihan
- 11.00 pagi - Menghias Tudung Saji
- 5.00 petang - Kempen Menutup Aurat
- Busking Santal
- Art Demo - Graffiti
- Street Dakwah oleh Artis GRGB
- 7.50 malam - Kuliah Maghrib oleh Ust. Azman Abdul Halim
- 9.00 malam - Persembahan Artis - Iwan Syahman
- 9.30 malam - Forum Perdana oleh Ust. Ghazali Ibrahim, PU Amin & Ezany (Moderator: Ijam Medicine) - "Masjid Ku Syurga Ku"

HARI KETIGA | 17 APRIL 2016 | AHAD

- 4.20 pagi - Qiamullail oleh Ust. Abd Karim Omar
- 6.20 pagi - Kuliah Subuh oleh Ust. Ahmad Husni Abd Rahman
- Pameran / Derma Darah / Gerai Jualan
- Kuliah Dhuha oleh Ust. Ghazali Omar
- Kursus Haji
- Demo Masakan
- Pameran Motor Klasik / Vespa
- Servis Minyak Hitam Percuma (50 motor sahaja)
- Pertandingan Motor Lambat
- Pertandingan fotografi fb/instagram (display)
- Bicara Wanita bersama Selebriti: Salimah Habibi & Irma Hasmie (Moderator: Ust. Rafidah Jannah Mohd Salleh)
- 2.30 petang - Khatam Al-Quran bersama Pelajar Tahfiz Sulaymaniyyah
- 5.00 petang - Ceramah Perdana oleh Ust. Haslin Baharim
- 8.00 malam - Majlis Perasmian Penutup oleh YB Dr. Ahmad Yunus Hairi, Exco Kerajaan Negeri Selangor
- 9.00 malam - Penyampaian Hadiah
- Persembahan Artis - Ali XPDC

Anjuran: **MS** MASJID ASY SYARIF
Dengan kerjasama:

TEMPAHAN GERAI : TN HJ MAKTOB 019 267 0589
TN HJ AZMIN 019 345 1912

Perindustrian moden dan pelancongan eko

Selangor optimis bangun Pulau Indah

OLEH HAFIZAN TAIB

SHAH ALAM - Kerajaan Negeri yakin Pulau Indah mampu dibangunkan sebagai taman perindustrian moden serta pulau pelancongan eko di Selangor.

Exco Pelaburan, Perindustrian IKS, Perdagangan dan Pengangkutan, Dato' Teng Chang Khim, berkata komitmen tinggi ditunjukkan Central Spectrum (M) Sdn Bhd (Central Spectrum) diyakini mampu merealisasikan harapan itu pada masa hadapan.

"Pulau Indah mampu menjadi sebuah pulau contoh yang bakal menerajui taman perindustrian sebagai pusat pelaburan utama di Selangor dan Malaysia amnya.

"Dengan strategi berkesan ia juga mampu dijadikan sebagai sebuah pulau berasaskan pelancongan eko," katanya.

Beliau berkata demikian ketika membacakan ucapan mewakili Menteri Besar, Dato' Seri Mohamed Azmin Ali pada Majlis Pelancaran Coffee Table Book Pulau Indah Scenic & Enchanting di Dewan Jubli



Perak, pada 7 April lalu.

Pada masa sama, Chang Khim berkata, Central Spectrum dan Majlis Perbandaran Klang (MPK) diharapkan boleh bekerjasama bagi pembangunan pulau itu untuk memastikan gambaran dalam buku terbit mampu menjadi daya tarikan baru.

Katanya, Central Spectrum sudah membuktikan kesungguhan dengan membangunkan pulau berkenaan sebagai permata bernilai bagi dimajukan sebagai taman

perindustrian biarpun berdepan masalah pada awalnya.

"Pada tahun lalu, Central Spectrum mencatatkan keuntungan dan jualan tertinggi di dalam sejarah penubuhannya melalui hasil jualan harta tanah kepada pelabur dalam dan luar negara.

"Pembangunan rancak kini mendorong kehadiran masyarakat luar untuk bekerja di situ selain aktiviti tradisional masyarakat kampung dan orang Asal iaitu pertanian serta perikanan," katanya.

Tanggapan pelukis sahaja

Tanggapan pelukis sahaja

akira

Rumah Berkembar 3 Tingkat

- Siap dibina
- Saiz lot: 45' x 85'
- 5 bilik tidur + 1 bilik utiliti
- 6 bilik air + 2 bilik solekan
- Air panas bersistem solar

LaThea RESIDENCES

- Harga daripada RM448,920*
- Saiz lot: 787, 970 & 1,205 kps
- 2 & 3 bilik tidur
- 2 tempat letak kereta setiap unit
- Berdekatan dengan sekolah swasta & antarabangsa Rafflesia

Tanggapan pelukis sahaja

Tanggapan pelukis sahaja

SITEC raikan pemenang Anugerah E-Dagang

SUBANG - Bagi memastikan E-Dagang terus berkembang sihat, Majlis Teknologi Informasi dan E-dagang Selangor (SITEC) menjalankan pelbagai usaha bagi menggalakkan peniaga E-Dagang meningkatkan mutu perkhidmatan dan produk jualan.

"Ini adalah pengiktirafan dan kami akan memastikan pelanggan berpuas hati membeli produk kami," katanya.

"Antara langkah diambil termasuk mengadakan Anugerah Peniaga E-Dagang untuk peniaga yang memiliki kualiti perkhidmatan, kreatif dan inovasi sebagai amalan perniagaan."

Dalam pertandingan itu, Sally Fashion memenangi tempat pertama dengan membawa pulang hadiah RM10,000, diikuti GunDamm.my di tempat kedua yang menerima hadiah RM5,000 dan ketiga, DIYPrintingSupply.com (RM3,000) dengan masing-masing membawa pulang piala berserta sijil.

Jurucakap Sally Fashion ke-



tika menyampaikan ucapan ke-menangannya berkata, kejayaan itu mencetus semangat untuk beliau meningkatkan kualiti produk dikeluarkan mereka.

"Selain tiga pemenang utama, tujuh peserta yang layak ke peringkat akhir turut menerima hadiah sugu hati dengan membawa pulang hadiah wang tunai bernilai RM1,000, piala dan sijil penyertaan.

Tujuh syarikat itu adalah ShaShinki, 123Cheese.my, Aone Plus, Satu Gadget Dot Com, i-Pmart, Printcious.com dan Game Hypermart.

Hadiah disampaikan Exco Pelaburan, Perindustrian (IKS) & Perdagangan dan Penyelidikan, Dato' Teng Chang Khim.

16
SIERRA
@ Puchong South
PLAY. LEARN. BOND.

Nikmatilah Kehidupan yang Penuh Keselesaan

Unit Bumiputera
Diskaun Bumiputera 7%

Untuk maklumat lanjut, sila hubungi **03-8944 9999**

www.ioiproperties.com.my/16sierra

www.facebook.com/16sierra

Pemaju Perbandaran:



Pemaju

LUSH DEVELOPMENT SDN. BHD. (No. Sykt. 348635-D)
(Ahli Kumpulan IOI Properties Bhd)
ML, Two IOI Square, IOI Resort, 62502 Putrajaya, Malaysia.

Pejabat Jualan & Pemasaran

IOI GALLERIA@16 SIERRA

Persiaran Sierra Utama, Bandar 16 Sierra, 47110 Puchong, Selangor D.E.
Tel: 03-8944 9999 Faks: 03-8944 9959



Blok pengairan

Bantu petani hadapi kemarau

OLEH ERMIZI MUHAMAD

SHAH ALAM - Usaha memastikan aktiviti pertanian tidak terjejas akibat faktor cuaca panas ini menerusi pelbagai pelan perancangan membantu golongan petani di seluruh negeri.

Exco Infrastruktur, Kemudahan Awam dan Industri Asas Tani, Zaidy Abdul Talib, berkata pihaknya secara konsisten membantu membekalkan blok pengairan air ke kawasan sawah dan bendang sekitar Bagan Terap dan Sabak Bernam, bermula 15 April.

"Sepatutnya pada 1 April lalu

sudah ada air yang dialirkan kepada blok pengairan Bagan Terap, tetapi kerana faktor air sungai yang agak terhad kita lambatkan sedikit pada pertengahan bulan ini.

"Cuma apa yang berlaku sekarang, faktor cuaca panas ini memang menyebabkan air sungai menjadi kering dan sungai terlibat di Selangor, antaranya di kawasan Sungai Bernam," katanya kepada SelangorKini.

Beliau mengulas kenyataan ADN Sungai Panjang, Budiman Mohd Zohdi berkenaan kesukaran petani di kawasan Sabak Bernam mendapatkan bekalan

air mencukupi susulan keadaan cuaca kemarau.

Bagaimanapun Zaidy berkata, Kerajaan Negeri sentiasa konsisten membantu golongan petani menghadapi situasi sukar itu menerusi pelbagai insentif berterusan.

Antara lain, penggunaan 23 pam saluran air untuk dialirkan kepada kawasan pertanian sawah padi seluruh negeri

Cuaca panas terik melampau dijangka berlarutan sehingga Mei ini dengan suhu panas mencecah sehingga 34-38 darjah Celcius.



Tumpu aspek keselamatan, elak kemalangan berulang

PETALING JAYA - Syarikat pama-ju disaraskan mengambil perhatian terhadap aspek keselamatan pembinaan pusat komersial dan unit kondominium mewah Seksyen 7 Jalan 17/29, di sini.

Ahli Dewan Negeri (ADN) Bukit Gasing, Rajiv Rishyakaran, berkata isu penyelenggaraan dan keselamatan perlu diberi keutamaan bagi memastikan keselamatan orang awam di kawasan pembinaan terjamin.

Ia susulan kemalangan berulang berlaku di kawasan pembinaan terbabit sebelum ini, sekali gus mencetuskan kebimbangan masyarakat awam terhadap projek pembangunan itu.

"Kawasan pembinaan ini berdekatan dengan 128 gerai di pasar pagi dan 26 gerai malam.

"Bagaimana aspek keselamatan boleh dipandang remeh? Keadaan ini sekali gus mengundang rasa kurang selamat masyarakat awam di kawasan ini," katanya pada sidang media di

Kedai Kopi Wah Cheon, pada 11 April lalu.

Hadir sama, Ahli Parlimen Petaling Jaya Selatan, Hee Loy Sian dan Pengurus Persatuan Penjaja Pasar Pagi Seksyen 7 Petaling Jaya, Jeff Low.

Kejadian pertama melibatkan kemalangan kren tumbang pada 23 Februari tahun lalu dan mencetuskan situasi panik masyarakat setempat.

Terbaru, salah satu struktur penghadang pada binaan bangunan terbabit runtuh Sabtu lalu. Bagaimanapun, tida sebarang kemalangan jiwa dilaporkan.

Bercakap lanjut, Rajiv selaku wakil rakyat kawasan itu konsisten membawa perkara terbabit kepada pihak Majlis Bandaraya Petaling Jaya (MBPJ).

Susulan daripada itu, pegawai



MBPJ dihantar bagi melakukan pemantauan dan siasatan terhadap sebarang keperluan aduan penduduk setempat.

Projek jalan sehala Petaling Jaya siap Ogos

PETALING JAYA - Projek sistem jalan sehala di beberapa kawasan dalam pentadbiran Majlis Bandaraya Petaling Jaya (MBPJ) dijangka siap sepenuhnya menjelang Ogos ini.

Datuk Bandar Petaling Jaya, Mohd Azizi Mohd Zain, berkata MBPJ meneruskan projek yang sudah siap 80 peratus itu mengikut jadual semasa dan kajian dilakukan sebelum ini.

"Kita tidak tangguh lagi tetapi projek ini diteruskan seperti dirancang dan dijangka dapat selesai sepenuhnya pada Ogos nanti," katanya.

Beliau berkata demikian pada sidang media Majlis Perasmian Pembukaan Pejabat Cawangan Petaling Jaya Utara, MBPJ di Prestij, Kota Damansara New Commercial pada 11 April lalu.

Katanya, projek jalan sehala itu mampu mengurangkan kesesakan lalu lintas terutama di pusat bandar Petaling Jaya.



Kita tidak tangguh lagi tetapi projek ini diteruskan seperti dirancang dan dijangka dapat selesai sepenuhnya pada Ogos nanti

MOHD AZIZI
Datuk Bandar Petaling Jaya

Hospital Tanjung Karang dijangka siap 2019

SHAH ALAM - Projek pembinaan Hospital Tanjung Karang dijangka bermula penghujung 2016 selepas tertangguh sejak sekian lama.

Exco Kesihatan, Kebajikan, Hal Ehwal Wanita dan Keluarga, Dr Daroyah Alwi, berkata projek itu kini dalam proses pelantikan kontraktor dan surat setuju terima akan dikeluarkan Jabatan Kerja Raya (JKR) pada akhir bulan ini.

"Projek pembinaan hospital ini dijangka siap pada 2019. Peruntukan pembinaan hospital ini di bawah Rancangan Malaysia ke-11 (RMK 11) dengan kos RM269 juta," katanya.

Daroyah berkata, hospital ini hanya dikenakan premium nominal berjumlah RM10 sahaja dan Kerajaan Negeri akan memberikan kerjasama sepenuhnya supaya hospital akan dibina di atas tanah seluas 40 ekar itu dapat disiapkan segera.

Dijangkakan penduduk di koridor utara Selangor seperti daerah Tanjung Karang dan Kuala Selangor bakal menikmati kemudahan itu apabila ia siap sepenuhnya kelak.



01
ADN Ijok, Dr Idris Ahmad menyampaikan sumbangan SMUE Fasa 1 DUN beliau

03
ADN Gombak Setia, Hasbullah Ridzwan menziarahi rumah penduduk uzur di Taman Desa

05
ADN Bukit Lanjan, Elizabeth Wong menyampaikan sumbangan kepada mangsa kebakaran di Damansara Damai

07
ADN Seri Serdang, Noor Hanim Ismail menyempurnakan bayaran fasa 1 SMUE untuk DUN berkenaan

09
Ahli Parlimen Sungai Besar, Dato' Noriah Kasnon bergambar bersama peserta silat selepas merasmikan Festival Silat di Sungai Besar

02
ADN Teratai, Tiew Way Keng menghadiri program anjuran kaum wanita di DUN terbitan

04
ADN Batu Caves, Amirudin Shari menyampaikan sumbangan kerusi dewan untuk kegunaan penduduk di Taman Desa

06
ADN Subang Jaya, Hannah Yeoh menghadiri program menanam pokok anjuran Rukun Tetangga USJ 6

08
ADN Kuang, Abdul Shukur Idrus menyantuni warga emas uzur di DUN beliau



Seminar pemerkasaan Bahasa Arab

Kongsi pembelajaran akademik

OLEH SYASYA SUFIAN

SHAH ALAM - Kolej Universiti Islam Antarabangsa Selangor (KUIS) menganjurkan Seminar Pemerkaan Pengajaran dan Pembelajaran Bahasa Arab khusus buat mereka yang bukan penutur jati di Malaysia dan rantau Asia Tenggara.



bersama Pusat Pendidikan ISESCO di Malaysia (ISESCO-KUIS) bertujuan melatih profesionalisme keguruan bagi pentadbir, pegawai dan guru Bahasa Arab bagi menambah dan mengukuhkan lagi penguasaan terhadap bahasa itu.

"Ia dianjurkan sebagai satu usaha menjadikan Pusat Pendidikan ISESCO-KUIS khususnya KUIS sebagai pusat rujukan kepak-

aran dalam Bahasa Arab dan Pendidikan Islam di rantau Asia Tenggara.

"Selain itu, ia turut memberi ruang perkongsian pengalaman dalam kalangan tenaga pengajar Bahasa Arab berkenaan aspek pengajaran dan pembelajaran," katanya dalam kenyataan.

Seminar itu turut dihadiri delegasi daripada negara ASEAN, Kementerian Pendidikan Malaysia dan wakil negeri dari seluruh Malaysia.

Majlis perasmian dirasmikan

Rektor KUIS, Profesor Datuk Dr. Abdul Halim Tamuri, Timbalan Rektor Akademik dan Penyelidikan Dr. Mohamad Syukri Abdul Rahman dan wakil ISESCO-Pusat, Adel Bouraoui bersama pakar ISESCO pusat, Dr. Ismaili Alawi.

"Adalah menjadi harapan KUIS usaha itu mendapat perhatian daripada segenap aspek sebagai salah satu agenda pemerkaan akademik khususnya dalam bidang Bahasa Arab dan Pendidikan Islam," katanya.

Ia dianjurkan sebagai satu usaha menjadikan Pusat Pendidikan ISESCO-KUIS khususnya KUIS sebagai pusat rujukan kepakaran dalam Bahasa Arab dan Pendidikan Islam di rantau Asia Tenggara

209 pelajar cemerlang Selat Klang dirai

SHAH ALAM - Seramai 209 pelajar cemerlang UPSR, PSRA, PT3, SMA, SPM, STPM, STAM termasuk 6 penerima Anugerah Best Of The Best diraikan pada Majlis Anugerah Cemerlang 2015 peringkat DUN Selat Klang.

Majlis perasmian disempurnakan Ahli Dewan Negeri (ADN) Selat Klang, Dr Halimah Ali di Dewan MPK Teluk Pulai, 1 April lalu.

Dr Halimah dalam ucapan perasmian berharap lebih ramai pelajar cemerlang dapat dilahirkan seiring tuntutan agama menggalakkan masyarakat menuntut ilmu.

"Kita mahu pelajar di DUN Selat Klang cemerlang dalam akademik dan juga sahsiah. Itulah definisi sebenar pelajar cemer-

lang dalam Islam.

"Untuk melahirkan pelajar cemerlang perlukan sinergi hebat diantara pelajar, ibu bapa, guru, nazir masjid, pengurus surau dan semua pihak berkenaan," katanya.

Hadir sama pada majlis itu, Ahli Majlis N45B, Kapt. (B) Baseri Md. Taib dan Ketua Penyelaras Zon Selat Klang, Tuan Hj. Kamazzaman Bin Aripin.

Sementara itu, pelajar cemerlang di DUN Selat Klang mencatatkan peningkatan memberangsangkan berbanding tahun lalu seramai 135 pelajar.

Dr Halimah percaya peningkatan itu didorong hubungan baik antara ibu bapa dan pelajar dalam mencari keredaan menuntut ilmu.



Food Festival Gempak UNISEL, lahir usahawan muda

SHAH ALAM - Julung kalinya dia-dakan, penganjuran Food Festival Gempak UNISEL dilihat mampu melahirkan usahawan muda terdiri daripada mahasiswa Universiti Selangor (UNISEL).

Melalui pembukaan lebih 56 buah gerai di perkarangan tempat meletak kenderaan universiti berkenaan, program terbabit menawarkan pelbagai jualan makanan, minuman, cenderahati dan pakaian pada harga berpatutan.

Mahasiswa UNISEL, Nur Azimah Noor Azhar, berkata program seumpama itu memberi peluang kepada golongan muda lebih kreatif melibatkan diri dalam kegiatan keusahawanan dan pengurusan.

"Ia melatih kami untuk berdaya saing sebelum menghadapi

situasi sebenar alam pekerjaan selepas tamat belajar nanti.

"Jadi dalam tempoh awal yang diberikan pensyarah, kami diajar untuk menyediakan satu program keusahawanan untuk dinilai di bawah projek akhir kami," katanya kepada Selangor-Kini.

Seramai 79 pelajar Diploma UNISEL di bawah subjek Keusahawanan dinilai di bawah program itu.

Dalam pada itu, selain menyediakan produk jualan kepada pelanggan, program terbabit menyajikan pelbagai bentuk persembahan kumpulan muzik gig, Se7en.

Malah, pameran kendaraan Honda turut dipamerkan sepanjang program dua hari itu berlangsung.

Colour Run UNISEL meriah

SHAH ALAM - Lebih 250 peserta menyertai larian Colour Run Universiti Selangor (UNISEL) sejauh lima kilometer pada 9 April lalu.

Program anjuran Mahasiswa Sarjana Perniagaan Unisel tahun dua itu dirangka khas menerusi subjek Projek Pengurusan (PMS 2323) universiti itu.

Pensyarahnya, Nafiza Mahayudin, berkata mahasiswa dilatih mengurus program bersifat pembangunan generasi muda ke arah merealisasikan hasrat UNISEL sebagai sebuah Universiti 'Leading Of Transformation'.

"Mahasiswa Sarjana Perniagaan diwajibkan mendaftar subjek ini dan diberi latihan untuk menghadapi situasi sebenar mengurus sebuah program

berteraskan generasi muda.

"Hasilnya, hari ini mereka berjaya menjayakan program ini dengan sangat positif melalui penyertaan dan sambutan cukup baik daripada pelbagai pihak," katanya kepada Selangor-Kini.

Program dengan kerjasama Majlis Bandaraya Shah Alam (MBSA), Polis Diraja Malaysia Majlis Sukan Negeri (MSN) Selangor itu turut dihadiri Timbalan Pengarah Majlis Sukan Selangor, Mohd Najwan Halimi.

Menariknya, program dengan tema 'Run Or Die' itu diserikan dengan acara baling serbuk perwarna kepada peserta larian sebelum upacara perlepasan jam 9.00 pagi.

Lebih istimewa, Mohd Na-

jwan bersama tetamu jemputan dan kakitangan MSN mengambil peluang menyertai larian terbabit yang tamat sekitar jam 10.30 pagi.

Program larian dibahagikan kepada dua kategori, terbuka lelaki dan terbuka wanita itu dikuasai pelari-pelari muda, di bawah umur 18 tahun.

Johan bagi kategori lelaki terbuka, Muhammad Amin Md Rodzi membawa wang tunai RM100, empat keping tiket menyaksikan konsert rock kumpulan Search, sijil penyertaan dan medal dengan catatan masa 20 minit.

Manakala Johan bagi kategori wanita terbuka, Nor Alia Balqis membawa pulang hadiah sama dengan catatan masa 28 minit.

Pemberian air percuma

Bila agaknya giliran Sarawak?

OLEH NORHAYATI UMOR

SUATU ketika dahulu, bekas Menteri Besar Selangor, Dr Khir Toyo pernah mengatakan Selangor akan bankrap dalam masa dua tahun jika dasar air percuma dilaksanakan.

Namun, sedar tak sedar, sudah hampir lapan tahun sebilangan besar rakyat Selangor di bawah pimpinan Pakatan menikmati pemberian air percuma 20 meter padu setiap bulan.

Malah, kedudukan kewangan negeri terus kukuh dengan rizab RM3.4 bilion, sekali gus memegang rekod pencapaian tertinggi pernah diperolehi.

Dalam pembentangan Belanjawan Selangor 2016 November tahun lalu, Menteri Besar, Dato' Seri Mohamed Azmin Ali komited untuk terus memberikan air percuma kepada seluruh rakyat negerinya.

Bahkan, Kerajaan Negeri berjaya merungkai kemelut panjang penswastaan industri perkhidmatan air dengan memuktamadkan perjanjian bersama Kerajaan Persekutuan.

Beliau berkata, Pengurusan Air Selangor Sdn Bhd juga secara rasminya mengambil alih pengurusan operasi Syarikat Bekalan Air Selangor (SYABAS) dan Puncak Niaga Sdn Bhd mulai 15 Oktober lalu.

Kini, rakyat Selangor mahupun penduduk sekitar Lembah Klang boleh bersorak kerana mereka amat bernasib baik tidak dibebani sebarang kenaikan tarif air setiap tiga tahun seperti terkandung dalam perjanjian konsesi antara Kerajaan terdahulu dengan SYABAS.

Masakan tidak! Jika tiada penolakan Kerajaan Negeri, pengguna perlu membayar sebanyak 82 peratus iaitu 37 peratus pada 2009, 25 peratus pada 2012 dan 2015 untuk tahun ini.

"Kini, rakyat Selangor berjaya memiliki semula industri ini dan membolehkan industri perkhidmatan air disusun semula ke arah perkhidmatan holistik berteraskan ketelusan, kebertanggungjawaban, efisyen dan kos efektif.

"Dengan kejayaan ini, saya berjanji, InsyaAllah, tidak akan berlaku lagi catuan bekalan air di Selangor," katanya.

Dasar terus dijunjung

Pemberian air percuma juga terus dijunjung dan diteruskan tahun ini walaupun Kerajaan Negeri membiayai skim itu dengan kos tinggi.



Pada hemat, tiada negeri selain Selangor membekalkan air percuma kepada rakyat mereka. Lebih lagi, Sabah dan Sarawak bukan sahaja sepi untuk mendapat manfaat itu, bahkan air kotor yang disalurkan

Katanya, sejak dilaksanakan 1 Jun 2008 hingga 31 Disember 2015, sebanyak RM1.1 bilion dibiayai Kerajaan Negeri dalam merealisasikan program terbabit.

"Kerajaan Negeri sedar kos ditanggung itu amat tinggi, namun demi mengurangkan beban kos sara hidup rakyat, kita akan memastikan agenda peduli rakyat seperti ini terus dijunjung.

"Sehubungan itu, Kerajaan Negeri bercadang meneruskan pemberian air percuma ini," katanya.

Dalam hebohan pelbagai pihak mengecam langkah itu, Kerajaan Negeri secara terus tidak bercadang menaikkan tarif air.

Rata-rata rakyat bersyukur dengan keprihatinan itu sekali gus diyakini memberi impak kepada rakyat khususnya golongan berpendapatan rendah.

Bagi Suri Rumah, Kok Chooi Teng, 41, berkata pemberian itu sedikit sebanyak membantu rakyat yang susah tatkala ekonomi makin menjerat rakyat.

"Sudah tentu saya gembira ia dikekalkan. Rakyat sekarang makin susah, kos sara hidup tinggi. Sekurang-kurangnya pemberian ini akan membantu mengurangkan perbelanjaan," katanya.

Air percuma selain Selangor?

Johor, Kedah, Negeri Sembilan, Pahang, Melaka, Perak, Perlis, Sabah mahupun Sarawak? Pada hemat, tiada negeri selain Selangor membekalkan air percuma kepada rakyat mereka.

Lebih lagi, Sabah dan Sarawak bukan sahaja sepi untuk mendapat manfaat itu, bahkan air kotor yang disalurkan. Perkara ini bukan baru, tetapi memakan terlalu lama lebih lagi di kawasan pedalaman.

Mengambil contoh di daerah Simunjan, kira-kira 35,000 penduduk terkesan apabila masalah bekalan air bersih memerlukan perhatian pihak bertanggungjawab tahun lalu.

Sehinggakan penduduk bergantung kepada sumber air lain seperti kolam buatan sendiri dan sungai. Begitu juga dengan Betting Maro, penduduk dahagakan kemudahan itu untuk keselesaan seharian.

Mana mungkin, rakyat menerima jika hanya diantar

tong air untuk dikongsi beberapa buah keluarga sedangkan mereka mahu masalah itu diselesaikan dengan segera ekoran sudah terlalu lama menunggu kemudahan asas itu untuk keselesaan seharian.

Mantan Ketua Menteri, Pehin Sri Abdul Taib Mahmud, pada 2013 berkata masalah bekalan air bersih di Sarawak akan dapat diatasi sepenuhnya apabila pelan induk bekalan air negeri siap dilaksanakan dalam tempoh sepuluh tahun lagi.

Selangor peduli rakyat

Begitulah Selangor. Sentiasa prihatin dengan rakyat mereka. Slogan 'Peduli Rakyat' sentiasa kedengaran dilaungkan. Rakyat mereka bukan sahaja diberikan air percuma, malah pelbagai lagi program Merakyatkan Ekonomi Selangor (MES) dari lahir sampai meninggal dunia akan menikmati pelbagai faedah bersama.

Dengan beberapa inisiatif Kerajaan Negeri itu, mudah-mudahan dapat membantu rakyat

Selangor dalam meneruskan liku kehidupan yang penuh mencabar dari tahun ke tahun.

Kerajaan Negeri sentiasa komited membantu rakyat dalam menangani isu kenaikan kos sara hidup. Para menteri dan pemimpin negara sepatutnya mencontohi langkah Kerajaan Selangor dan bukannya menekan rakyat dengan menaikkan kos tertentu.

Sebagai sebuah Kerajaan, sepatutnya kita perlu memberi solusi supaya rakyat tidak terbeban di samping negara mendapat manfaat.

Bagaimana anda di negeri lain? Adakah bersedia melakukan perubahan?

Semakin hari kos hidup semakin tinggi, maka tidak mustahil tarif air juga akan semakin naik.

Adakah suatu hari nanti kita sanggup membayar harga begitu tinggi untuk mendapatkan bekalan air selamat dan bersih? Jawapannya pada diri kita sendiri.

Tepuk dada tanya selera....

Menagih perhatian

Rohingya tetap di hati

OLEH DR RAJA AHMAD ISKANDAR RAJA YAAKOB

Kira-kira 10 bulan lalu, dunia digegarkan dengan berita berkenaan umat Islam Rohingya terdampar di perairan Indonesia.

Ribuan menjadi pelarian menyelamatkan diri daripada dizalimi serta dibunuh tentera Myanmar.

Biarpun pada peringkat awal Kerajaan Indonesia dikatakan enggan membenarkan pelarian Rohingya mendarat di negara itu, namun para nelayan dan masyarakat sekitar perairan nekad menyelamatkan mereka atas dasar kemanusiaan.

Masyarakat Aceh ternyata sangat prihatin dengan nasib dialami saudara seagama yang dizalimi dengan membantu membawa mereka ke daratan hingga akhirnya Kerajaan Indonesia akur, namun bersyarat.

Nasib mereka mendapat perhatian dunia, beberapa badan bukan kerajaan (NGO) tempatan terutama Komiti Nasional Untuk Solidaritas Rohingya (KNSR) dan Aksi Cepat Tanggap (ACT) berkobarasi tenaga serta kudrat dalam membantu pelarian terbabit.

Mereka membuka tiga pusat penempatan di Aceh dengan kebenaran pihak Kerajaan Indonesia dengan kos penyelenggarannya diperoleh melalui sumbangan orang ramai dari seluruh dunia.

Pertubuhan Kebajikan Serantau Muslim (Serantau Muslim) antara pihak terawal yang turun meninjau dan menghantar bantuan ke kem terbabit pada 1 dan

2 Julai 2015 semasa bulan Ramadan dan sekali lagi pada 31 Mac hingga 2 April lalu.

Seramai 11 orang termasuk petugas media menyertai misi kali ini dengan membawa pelbagai barang bantuan sumbangan banyak pihak.

Misi itu mensasarkan beberapa projek di dua buah pusat penempatan iaitu di Louksuwah dan Bayuen yang diduduki kira-kira 100 pelarian setiap kem.

Ia termasuklah perasmian telega dan pam air yang siap dibina yang mana kosnya hampir RM10,000 sebuah untuk menampung penggunaan harian ke semua pelarian di kem terbabit.

Pusat Perpustakaan Mini juga dilancarkan dalam usaha memberikan peluang kepada penghuni kem itu mengisi masa menuntut ilmu di samping Pusat Ekonomi Komuniti sebagai peluang menjana hasil pendapatan sama ada penternakan mahupun jahitan.

Selain itu, kelengkapan lain turut disumbangkan seperti alat pembesar suara, komputer riba, alatan sukan dan almari serta keperluan makanan sehari-hari anak yatim dan orang miskin sebanyak 100 bungkus.

Memandangkan kekangan waktu dan jarak jauh, Serantau Muslim tidak berkesempatan tiba ke kem ketiga iaitu di Langsar, namun projek pembinaan Surau Muhibbin dan Rumah Sahabat dilancarkan ketika mengadakan kunjungan ke kediaman wakil gabenor di Aceh.

Dalam misi itu juga, Serantau Muslim menganjurkan beberapa

Dalam misi itu juga, Serantau Muslim menganjurkan beberapa program bersama pelarian di penempatan itu, antaranya pertandingan mewarna bagi kanak-kanak, ceramah agama dan 'trauma healing'.



Pengerusi, Dr Raja Iskandar dan Timbalannya, Dr Azrin Omar mengagihkan bantuan makanan

pa program bersama pelarian di penempatan itu, antaranya pertandingan mewarna bagi kanak-kanak, ceramah agama dan 'trauma healing'.

Bagi kaum wanita pula, program "Beauty In You" dianjurkan iaitu program pemakaian tudung hasil sumbangan orang ramai dan badan korporat.

Mereka khususnya kaum wanita melahirkan rasa terharu hingga ada yang menitiskan air mata kerana sudah lama tidak berganti tudung, malah anak-anak Rohingya gembira disantuni.

Menariknya, asimilasi budaya

berlaku apabila pelarian mula fasih berbahasa Indonesia, malah lebih mengagumkan sudah ramai dari kalangan mereka menjadi imam memimpin masyarakat sekitar.

Mereka mengambil peluang dan ruang yang ada untuk meluahkan isi hati serta harapan kepada lawatan itu dilakukan, antaranya ingin menjadi seperti kaum muhibbin di zaman Rasulullah SAW yang berdikari dan mampu membangunkan negara dengan bekalan iman dan taqwa.

Misi itu berakhir dengan penyerahan sumbangan sebanyak RM50,000 kepada pihak peng-

rusan pusat pelarian terbabit hasil sumbangan orang ramai.

Ini bukanlah pengakhiran usaha Serantau Muslim, tetapi ia adalah permulaan dan pendorong untuk badan itu terus berusaha mengumpul dana orang ramai khususnya rakyat Malaysia dalam membantu saudara sesama Islam yang dizalimi.

Dengan semangat "Persaudaran Rentas Sempadan" yang menjadi slogan, adalah menjadi harapan Serantau Muslim mendapat sumbangan berterusan daripada semua khususnya dalam merealisasikan pembinaan beberapa projek iaitu Rumah Sahabat bernilai RM8,000, Surau Muhibbin berharga RM40,000 dan pembinaan telaga sebanyak RM10,000.

Diyakini masih ramai masyarakat di luar sana bermurah hati dan prihatin terhadap nasib umat Islam Rohingya yang diusir negara mereka sendiri.

Bagi yang ingin menyumbang bolehlah disalurkan terus ke akaun SERANTAU MUSLIM (Bank Islam) 08086020134552 (Maybank) 564100421083 atau hubungi talian hotline Serantau Muslim 0111-0735360.

Tahniah kerana anda menjadi insan yang peduli dan prihatin! Bantu Kami Membantu Mereka.



Ini bukanlah pengakhiran usaha Serantau Muslim, tetapi ia adalah permulaan dan pendorong untuk badan itu terus berusaha mengumpul dana orang ramai khususnya rakyat Malaysia dalam membantu saudara sesama Islam yang dizalimi.

Penulis adalah Pengurus Pertubuhan Kebajikan Serantau Muslim

**SEMUA DIJEMPUT
HADIR**



KAYUHAN KAMPUNGKU KESAYANGANKU BERSAMA YB EXCO



KEJOHANAN SEPAK TAKRAW PIALA YB
DATO' DR. AHMAD YUNUS HAIRI DAERAH SEPANG

MAJLIS PERASMIAN 3K & FORUM PERDANA 3K

PERTANDINGAN mewarna • cipta kad 2D • seni khat

- gubahan sirih junjung • masakan tradisional • kuih tradisional

AKTIVITI sukaneka • meneroka angkasa • memanah tradisional • suppa dupper

HALAQAH ILMU 3K

TAHNICK & SEMBANG SANTAI HD

MAJLIS RAIKAN CINTA

KLINIK "Wudhuk Sempurna, Jimat Air"

GERAI Pameran dan Jualan

KENDURI RAKYAT

Maklumat Lanjut hubungi

03 8706 4610



KARNIVAL **Kampungku Kesayanganku**

"Smart Selangor, Maju Sejahtera"

SEPANG

15-16 APRIL 2016

**MASJID JAMEATUS SOLEHAH
PEKAN DENGKIL**

PERCUMA!!



TUKAR MINYAK HITAM



GUNTING RAMBUT



RAWATAN MUKA
& DANDANAN
RAMBUT

Ust. Hj. Rahimi
Ab. Aziz
moderator

Ustaz Nushi
Mahfodz
Sabtu



Forum Perdana

15 April | 9 malam

Dato' Dr.
Mohd Naim

Dr. Mir
Hazil
moderator

15 & 16 April
7 malam

Kuliah Maghrib

Izo
XPDC

Ustaz
Mohd
Faryzan
Subkhi

Halaqah ilmu

16 April | 9 pagi



"Hijrah Diri" Sembang Santai

16 April | 9 malam

Kota Seni

Bandar padanan lebih praktikal

OLEH LIZAWATI MADFA

SHAH ALAM - Pembangunan fizikal Kota Seni Selangor di Petaling Jaya dan Shah Alam disaran berpandukan kepada kota seni di bandar lain sebagai padanan.

Exco Pembangunan Generasi Muda, Sukan, Kebudayaan dan Pembangunan Usahawan, Amirudin Shari, berkata langkah itu dilihat lebih praktikal berbanding mengadakan lawatan 'mencari idea' ke luar negara.

Katanya, bandar padanan juga mendorong pemahaman falsafah dan budaya secara lebih terperinci.

"Saya lebih cenderung untuk Kota Seni memilih padanan kota mereka seperti Petaling Jaya menjadikan padanan Bandung sebagai panduan mereka.

"Saya memuji usaha Petaling Jaya

ini sesuai dengan pembangunan Bandung yang dipacu bekas Gabenor yang juga adalah seorang arkitek hebat.

"Pada masa sama, Shah Alam juga kini sedang meneliti kota tertentu untuk difahami sedalamnya sebelum mempraktikkan konsep sesuai bagi dibangunkan," katanya di Dewan Negeri Selangor (DNS) baru-baru ini.

Sebelum ini, Ahli Dewan Negeri (ADN) Kota Anggerik, Dr Yaacob Sapari menyarankan supaya pegawai tertinggi Majlis Bandaraya Shah Alam (MBSA) mengadakan lawatan ke luar negara untuk menjayakan pembangunan Kota Seni.

Katanya, lawatan itu mampu memberi pencerahan kepada pegawai membangunkan landskap menarik yang selaras dengan idea kontemporari.



'Lain Daripada Yang Lain' pamer 62 seni lukisan

SHAH ALAM - Artis yang tidak menerima pendidikan dan latar belakang formal seni lukisan wajar diberi penghormatan.

Pengerusi Lembaga Pembangunan Seni Visual Negara (LPSVN), Datuk Mahadzir

Lokman, berkata hasil seni lukisan mereka kebiasaannya lahir tulus ikhlas daripada hati.

"Mereka seharusnya menerima penghormatan kerana mereka karyawan negara walaupun tidak sekaya sebagaimana artis di setiap negara lain dihargai.

"Tetapi mereka ini ikhlas berjuang dengan penuh semangat memperkaya hasil warisan kita," katanya di Galeri Shah Alam, pada 6 April lalu.

Beliau berkata demikian ketika merasmikan Lain Daripada Yang Lain – Pameran Seni Visual 'Self Taught', Gaya Naif dan 'Outsider' yang turut dihadiri Pengarah Galeri Shah Alam, Mohd Said Abu.

Pameran julung kali diadakan itu disertai 24 artis daripada empat galeri iaitu Luu

Hasil seni lukisan mereka kebiasaannya lahir tulus ikhlas daripada hati. Mereka seharusnya menerima penghormatan kerana mereka karyawan negara walaupun tidak sekaya sebagaimana artis di setiap negara lain dihargai.

Gallery, Galeri Titik Merah, Atemis Art and Malaysia Naïve Art Group.

Dengan mempamerkan 62 seni lukisan pelbagai genre, pameran bermula 14 Mac lalu itu masih boleh dikunjungi sehingga 22 April ini.

Selain artis terkenal seperti Mazlan Noor Along, pameran turut mengetengahkan hasil lukisan artis dalam kalangan Orang Kurang Upaya (OKU) dan penghidap Autisme.



Bantu tingkat kualiti penyampaian

MPSJ iktiraf peranan Jawatankuasa Penduduk

OLEH ERMIZI MUHAMAD

SUBANG JAYA - Sebanyak 24 zon jawatankuasa penduduk (JKP) Majlis Perbandaran Subang Jaya (MPSJ) menerima pengiktirafan pada Majlis Anugerah JKP dan Zon Bersih, 10 April lalu.

Bertempat di Grand Ballroom, Level R The Place One City, penghargaan diberikan kepada kesemua zon mewakili hampir 708,296 penduduk Subang Jaya.

Yang Dipertua MPSJ, Dato' Nor Hisham Ahmad Dahlan, berkata setiap zon berjaya memainkan peranan penting JKP sebagai medium komunikasi antara Majlis dan penduduk.

"JKP banyak membantu MPSJ meningkatkan kualiti penyampaian perkhidmatan kepada masyarakat setempat.

"MPSJ tidak keberatan mengadakan anugerah JKP pada setiap tahun bagi mengiktiraf peranan JKP itu sendiri," katanya.

Hadir sama, Menteri Besar, Dato' Seri Mohamed Azmin Ali; ADN Subang Jaya, Hannah Yeo; ADN Sri Muda, Shuhaimi Shafiei; ADN Kinrara, Ng Sze Han; ADN Sri Serdang, Noor Hanim Ismail; Ahli Parlimen Kelana Jaya, Wong Chen dan Ahli Parlimen Serdang, Ong Kian Min.

Pada majlis itu, JKP dari Zon 1 dan Zon 3 menerima pengiktirafan utama menerusi Anugerah Zon Bersih JKP MPSJ 2015 keseluruhan terbaik dan Anugerah JKP MPSJ 2015 keseluruhan terbaik.

Masing-masing menerima wang berjumlah RM3,000, sijil penghargaan berserta trofi.



MPK rampas minuman keras RM18,000

KLANG - Majlis Perbandaran Klang (MPK) berjaya merampas pelbagai jenis minuman keras dianggarkan bernilai RM18,000 di dua kedai di Pekan Kapar, 5 April lalu.

Yang Dipertuanya, Dato' Mohammad Yasid Bidin, berkata serbuan dilakukan ekoran premis yang beroperasi sejak tiga hingga lima bulan lalu tidak mendapat kebenaran MPK dan Pejabat Daerah dan Tanah Klang.

Katanya, operasi dilakukan anggota penguatkuasa di kedai serbaneka 24 jam dan sebuah kedai dijadikan kedai minuman tidak jauh antara satu sama lain.

"Serbuan pertama sekitar jam 3.30 petang dilakukan di kedai

serbaneka 24 jam dan kita merampas 310 botol minuman keras pelbagai saiz, jenama dan harga dengan nilai RM15,000.

"Serbuan kedua pula di kedai minuman membabitkan rampasan 188 botol minuman keras dianggarkan bernilai RM3,000," katanya kepada pemberita.

Yasid berkata, kedua kedai berkenaan diberikan kompaun dan tempoh satu bulan untuk menuntut balik barang rampasan daripada MPK dengan syarat mereka mempunyai lesen serta dokumentasi lengkap.

"Jika dalam tempoh itu mereka gagal, MPK akan mengambil tindakan melupuskan barang

dirampas.

"Mengikut Undang-undang Kecil, pesalah boleh dikenakan kompaun berjumlah RM1000 dan jika disabitkan kesalahan boleh didenda tidak lebih RM2,000," katanya.

Katanya, operasi itu dilakukan ekoran aduan orang ramai sebelum ini mendakwa botol minuman keras dibuang merata di sekitar Pekan Kapar hingga membahayakan keselamatan.

"Justeru, kita terus mengambil tindakan sedemikian kerana khawatir lebih banyak kedai menjual minuman keras tanpa lesen berkembang di kawasan ini," katanya.

Tidak tangguh kerja resipi kakitangan cemerlang



S. Manimaran



Suzana Suratman

PETALING JAYA - Sentiasa menyelesaikan tugas dalam tempoh masa ditetapkan adalah kunci kecermerlangan kerja S. Manimaran, 38.

Sudah berkhidmat selama 17 tahun di Majlis Bandaraya Petaling Jaya (MBPJ), bapa kepada dua anak itu berkata, beliau tidak gemar menangguhkan kerja.

"Biasanya saya juga merancang kerja dan pastikan selewat-lewatnya Jumaat setiap minggu kerja selesai."

"Saya tidak suka dan tidak pernah menangguhkan kerja diberikan," kata Pembantu Operasi Khidmat Pengurusan yang sudah dua kali menerima Anugerah Perkhidmatan Cemerlang MBPJ.

Bagi Suzana Suratman, 30, insentif anugerah disediakan MBPJ mendorong setiap warga kerjanya memberikan khidmat terbaik dalam tugasannya.

"Yang belum menerima men-

jadi lebih bersemangat bekerja, yang sudah menerima pun menjaga 'standard' kerja mereka untuk terus memberikan yang terbaik.

"Hasilnya, warga kerja cemerlang melahirkan perkhidmatan cemerlang kepada pembayar cukai," kata pegawai dari Jabatan Kesihatan dan Persekitaran itu.

Sementara itu, pesara, Md Zaid Bahaman, 60, berhasrat untuk terus mencurah idea dan keriangat kepada MBPJ.

"Saya masih belum puas lagi dan yakin khidmat diberikan mampu membantu MBPJ kekal cemerlang dalam kelasnya tersendiri," katanya yang sudah berkhidmat lebih 37 tahun di MBPJ.

Mereka adalah antara penerima Anugerah Perkhidmatan Cemerlang MBPJ 2015 dan Meraih Pesara 2016 MBPJ di Dewan Sivik, 8 April lalu.

SEMAK DAN BAYAR CUKAI TANAH ANDA SEBELUM 31 MEI 2016 UNTUK MENGELOAKKAN DENDA LEWAT

SEMAKAN BOLEH DILAKUKAN DI PEJABAT DAERAH DAN TANAH YANG
BERDEKATAN ATAU MENERUSI LAMAN [HTTPS://HASIL.SELANGOR.GOV.MY](https://HASIL.SELANGOR.GOV.MY)
ATAU MENERUSI mySMS 15888

ANDA MEMILIKI RUMAH?
KEDAI? HARTANAH
DI NEGERI SELANGOR?
ADA CUKAI TANAH YANG
PERLU ANDA JELASKAN!!

CUKAI TANAH
BUKAN
CUKAI PINTU



Pembayaran melalui **KAUNTER** di seluruh Negeri Selangor seperti:

1. Pejabat Daerah Dan Tanah
2. Pejabat Tanah Dan Galian Selangor
3. Pihak Berkuasa Tempatan
4. Pejabat Pos Malaysia Di Negeri Selangor & Wilayah Persekutuan

Pembayaran secara **PERBANKAN INTERNET** hendaklah dibayar atas nama / 'payee'

1. Pejabat Pengarah Tanah & Galian Selangor ATAU
2. Pejabat Tanah & Galian Selangor

Maybank 2u.com
making every moment count

HSBC
The world's local bank

AmBank Group

mBank cards

RHB

CIMB Clicks

BANK ISLAM

Pesanan daripada:



Intisari Khutbah Jumaat: 15 April 2016

Rumahku Syurgaku



Sesungguhnya menjadi fitrah manusia menginginkan kehidupan keluarga bahagia disebut sebagai Rumahku Syurgaku.

Berkahwin dan hidup berkeluarga dengan bahagia adalah satu sunnah dituntut dalam syariat Islam.

Namun hakikatnya, berapa ramai yang benar-benar memahami erti Rumahku Syurgaku dan berusaha memastikan matlamat itu tercapai?

Istilah "Rumahku Syurgaku" boleh difahami sebagai kehidupan keluarga bahagia dengan setiap ahli memainkan peranan di samping menjaga hubungan dengan Allah SWT supaya mendapat rahmat dan keredaan-Nya.

Kesan daripada pengertian itu, maka perlulah kita fahami bahawa Rumahku Syurgaku mempunyai ciri-ciri berikut;

i. Keluarga dibina dengan atas akidah benar menjadi tunjang utama dalam membina keluarga bahagia. Akidah benar melalui pengakuan hati bahawa Allah SWT adalah Tuhan yang Esa dan Nabi Muhammad SAW adalah nabi-Nya akan menjadikan setiap ahli keluarga berusaha menjadi hamba-Nya yang taat dalam melaksanakan perintah-Nya dan meninggalkan larangan-Nya.


ii. Keluarga menghidupkan suasana ibadah secara istiqamah. Melaksanakan ibadah sama ada wajib atau sunat dalam kehidupan berkeluarga dengan ikhlas akan menjadikan seorang mempunyai jiwa tenang, reda dengan ketentuan-Nya dan istiqamah dalam menjadikan rumah tangga dibina diberkati Allah SWT.



iii. Keluarga sentiasa bertanggung-jawab dan berakhhlak mulia. Setiap ahli keluarga sama ada ibu bapa dan anak hendaklah sentiasa berakhhlak mulia. Seorang bapa sentiasa mencari nafkah halal, memimpin keluarga dengan adil, tegas dalam mendisiplinkan anak. Seorang ibu pula hendaklah sentiasa berlemah lembut dengan anak, membantu suami dalam pengurusan keluarga dan mendidik anak berakhhlak mulia.

Seorang anak pula hendaklah sen-

Ahli keluarga sewajarnya mengadakan perbincangan untuk menyelesaikan permasalahan berlaku dengan baik kerana tanpa penyelesaian segera pasti menyebabkan permasalahan berterusan



tiasa mengasihi dan menghormati ibu bapa, janganlah melakukan perbuatan derhaka terhadap mereka, sebaliknya hendaklah sentiasa mendoakan kebaikan dan kesejahteraan untuk mereka di dunia dan akhirat.

iv. Keluarga yang sentiasa menjaga hubungan baik dengan masyarakat juga perlu diambil kira kerana tidak mungkin seseorang itu akan selamanya hidup bersendirian. Setiap keluarga hendaklah bermuasyarah dan bermuamalah dengan ahli masyarakat sekeliling serta menjauahkan diri daripada melakukan perkara yang boleh menyebabkan perpecahan dalam kalangan masyarakat atau pun jiran.

v. Keluarga yang bijak menyelesaikan permasalahan berlaku. Lahir kehidupan manusia, suka dan duka, ketawa dan gembira, berduka cita, pasti akan dilalui setiap manusia dalam melayari kehidupan berkeluarga, namun setiap manusia hendaklah menerima dengan hati terbuka sebagai ujian daripada Allah SWT.

Ahli keluarga sewajarnya menga-

dakan perbincangan untuk menyelesaikan permasalahan berlaku dengan baik kerana tanpa penyelesaian segera pasti menyebabkan permasalahan berterusan. Ini sudah tentu menyukarkan suasana bagi mewujudkan keluarga yang bahagia.

Pembinaan keluarga Rumahku Syurgaku perlulah melalui beberapa perkara;

1. Umat Islam hendaklah memastikan perkahwinan yang ingin ditempuhi haruslah diniatkan kerana Allah SWT dan mengikuti Sunnah Nabi Muhammad SAW supaya ia dikira sebagai ibadah

2. Setiap ahli keluarga iaitu suami (bapa) isteri (ibu) dan anak hendaklah memahami dan melaksanakan tanggungjawab masing-masing dengan sebaiknya supaya wujud rasa tanggungjawab dan kasih sayang mendalam dalam kalangan ahli keluarga

3. Setiap anggota keluarga hendaklah menghidupkan suasana agama dalam kehidupan sehari-hari dengan memelihara akidah, syariat dan akhlak Islam supaya Allah SWT akan melimpahkan rahmat-Nya ke dalam keluarga

4. Anggota keluarga perlu sentiasa bergaul mesra den-

gan masyarakat sama ada Islam atau pun bukan dengan mengukuhkan rasa saling hormat menghormati, saling berziarah ketika sihat ataupun sakit, bergotong royong dan sebagainya supaya perasaan kasih sayang dengan masyarakat dapat diterapkan ke dalam jiwa setiap ahli keluarga

WAKTU SOLAT SELANGOR

15 - 22 APRIL 2016

7 - 14 REJAB 1437H

Gombak, Hulu Selangor, Rawang, Hulu Langat, Sepang, Petaling, Shah Alam

	Imsak	Subuh	Syuru'	Zuhur	Asar	Maghrib	Isyak
15 Jumaat	5.41	5:51	7.07	1:16	4:27	7:21	8:31
16 Sabtu	5.40	5:50	7.07	1:16	4:27	7:21	8:31
17 Ahad	5.40	5:50	7.06	1:16	4:27	7:21	8:31
18 Isnin	5.39	5:49	7.06	1:15	4:28	7:21	8:31
19 Selasa	5.39	5:49	7.06	1:15	4:28	7:20	8:31
20 Rabu	5.39	5:49	7.05	1:15	4:28	7:20	8:31
21 Khamis	5.38	5:48	7.05	1:15	4:29	7:20	8:31
22 Jumaat	5.38	5:48	7.05	1:15	4:29	7:20	8:31

Sabak Bernam, Kuala Selangor, Klang, Kuala Langat

	Imsak	Subuh	Syuru'	Zuhur	Asar	Maghrib	Isyak
15 Jumaat	5.43	5:53	7:10	1:18	4:29	7:23	8:33
16 Sabtu	5.42	5:52	7:10	1:18	4:29	7:23	8:33
17 Ahad	5.42	5:52	7:09	1:18	4:29	7:23	8:33
18 Isnin	5.41	5:51	7:09	1:17	4:30	7:23	8:33
19 Selasa	5.41	5:51	7:09	1:17	4:30	7:23	8:33
20 Rabu	5.41	5:51	7:08	1:17	4:30	7:22	8:33
21 Khamis	5.40	5:50	7:08	1:17	4:30	7:22	8:33
22 Jumaat	5.40	5:50	7:08	1:17	4:31	7:22	8:33

224,794 kanak-kanak terima manfaat TAWAS

SHAH ALAM - Seramai 224,794 kanak-kanak seluruh Selangor sudah menikmati manfaat Tabung Warisan Anak Selangor (TAWAS) sehingga 8 April lalu.

Mengikut statistik dikeluarkan TAWAS, hanya 22,348 pemohon gagal dari jumlah keseluruhan 257,538 permohonan diterima.

Jumlah itu terus meningkat berbanding 204,500 peserta pada Disember tahun lalu.

Daripada jumlah permohonan itu, sebanyak 3,004 terdiri daripada permohonan tidak lengkap dan 37 permohonan belum disemak.

Manakala, bagi status pendaftaran TAWAS mengikut pecahan bangsa pula, seramai 148,912 (66 peratus) terdiri daripada kaum Melayu, 43,007 (19 peratus) kaum Cina dan India seramai 26,630 (12 peratus) serta lain-lain seramai 6,245 (3 peratus).

TAWAS mula diperkenalkan Jun 2008 di bawah program Masyarakat Ekonomi Selangor (MES) dengan peserta lulus menerima RM1,500 pada usia 18 tahun.

Pengurus Besar Yayasan Warisan Anak Selangor (YAWAS), Mohd Nor Mohd Zin sebelum ini, berkata sambutan kurang memberangsangkan pada permulaan ia diperkenalkan ekoran tidak dapat menguar-uarkan ke semua tempat.

LZS bangunkan rumah percuma untuk asnaf

SHAH ALAM - Keprihatinan Lembaga Zakat Selangor (LZS) terhadap pembangunan golongan asnaf fakir dan miskin di negeri itu terus dipergiatkan menerusi pembinaan beberapa kediaman menggunakan wang zakat.

Menurut laman Facebook, rumah itu diberikan secara percuma kepada golongan terbabit yang mempunyai tapak rumah sendiri.

Pemberian rumah itu juga memberi keutamaan kepada pemohon berusia 65 tahun yang mempunyai tanggungan melebihi empat orang dalam satu rumah.

Selain itu,



Tahun ini, TAWAS akan menganjurkan program 'Jom Shopping' bagi kelahiran tahun 2009 membabitkan 21,456 orang dengan peruntukan hampir RM1.07 juta.

i PESERTA LAYAK MENERIMA TAWAS

TAHUN	JUMLAH
2008	21,324
2009	21,457
2010	22,809
2011	28,170
2012	33,512
2013	36,236
2014	34,239
2015	24,618
2016 (sehingga April)	2,429



Insiden kebakaran Kampung Batu 4 Ijok

Kerajaan Selangor hulur bantuan segera RM1,500



OLEH SYASYA SUFIAN

KUALA SELANGOR - Kesedihan dialami seorang ibu tidak dapat digambarkan apabila kehilangan dua anaknya serentak dalam satu insiden kebakaran di Kampung Batu 4, Ijok pada 7 April lalu.

Menyedari hakikat itu, Kerajaan Negeri tampil menghulur-

kan bantuan segera sebanyak RM1,500 bagi meringankan beban mangsa, Zuriyana Marjunit.

Exco Kesihatan, Kebajikan, Pembangunan Wanita dan Keluarga, Dr Daroyah Alwi, berkata RM1,000 diberi kepada ibu mangsa sebagai khairat kematian, manakala RM500 bagi bantuan rumah terbakar.

"Dengan kerjasama zakat kita akan mencari penyelesaian membantu membina balik rumah mangsa kebakaran di bawah program Bantuan Rumah Prihatin."

"Selain itu, sokongan moral juga perlu diberi perhatian lebih kepada Zuriyana selepas kehilangan kedua anaknya," katanya kepada SelangorKini.

Hadir sama, Yang Dipertua Majlis Daerah Kuala Selangor (MDKS), Noraini Roslan; Pegawai Daerah Kuala Selangor, Shamsul Shahril Badliza Mohd Noor dan

Jabatan Kebajikan Masyarakat (JKM).

Mangsa dikenal pasti sebagai Muhammad Darnish Irfan Muhamad Azmi, 15 dan adiknya Muhammad Darnish Israk Muhamad Azmi, 14 ditemui rentung dalam bilik tidur mereka dalam satu kebakaran selepas dikawal bomba jam 4.48 pagi.

Ibu mangsa, Zuriyana berkata, beliau menyedari keadaan rumah semakin panas selepas terjaga dari tidur.

Beliau cuba mengejutkan ahli keluarganya, namun kedua anaknya tidak dapat menyelamatkan diri dipercayai terkurung dalam bilik ekoran api semakin merebak sebelum ia meletup.

Selain Zuriyana, nenek mangsa, Sainah Saidi dan bapa saudara mangsa, Mohd Khainizam turut terselamat dalam kebakaran yang memusnahkan rumah mereka hampir 80 peratus.

Dengan kerjasama zakat kita akan mencari penyelesaian membantu membina balik rumah mangsa kebakaran di bawah program Bantuan Rumah Prihatin

DR DAROYAH ALWI
Exco Kebajikan

Anak kecil hidap masalah pernafasan dibantu


BANTING - Seorang kanak-kanak berusia 2 tahun yang menghidap penyakit saluran pernafasan tersumbat mendapat perhatian Lembaga Zakat Selangor (LZS) ketika menziarahinya di kediamannya pada 6 April lalu.

LZS dalam paparan di Facebook berkata, pihaknya menghulurkan bantuan berupa katil khas dan alat bantu pernafasan bernilai RM5,000 untuk kegunaan Putera Qairul Danial Omar.

"Qairul berada di bawah jagaan ibunya, seorang ibu tunggal yang turut mempunyai seorang anak lain."

"LZS sejak tahun lalu sudah menghulurkan bantuan kepada keluarga ini di bawah batuan asnaf miskin dengan memberikan bantuan kewangan bulanan, makanan bulanan, bantuan sewa rumah dan bantuan perubatan bulanan untuk lampin pakai buang dan susu," katanya.

Atas bantuan itu, LZS turut mendoakan kesihatan Qairul beransur pulih dan keluarga ta-



bah menghadapi dugaan.

"Semoga bantuan zakat yang disalurkan ini dapat meringankan dugaan dihadapi adik Qairul dan keluarganya," katanya.

Perlawanan akhir Piala FA

Stadium Shah Alam jadi pilihan

OLEH AFIX REDZUAN

SHAH ALAM - Stadium Shah Alam menjadi pilihan utama venue Perlawanan Akhir Superbest Power Piala FA 2016 yang dijadualkan pada 14 Mei nanti.

Football Malaysia LLP (FMLLP) dalam satu kenyataan di Facebook memaklumkan pihaknya yakin pengurusan Stadium Shah Alam mampu menyediakan padang dan kemudahan baik meskipun ia bakal digunakan untuk Piala Sultan Selangor seminggu sebelum perlawanan akhir berlangsung.

"Kami juga difahamkan bahawa Piala Sultan Selangor 2016 bakal dilangsungkan seminggu sebelum Perlawanan Akhir Piala FA di stadium terbabit.

"Oleh itu, FMLLP berasa amat yakin pengurusan Stadium Shah Alam dapat menyediakan padang dan fasiliti terbaik untuk perlawanan ini," katanya.

Terdahulu, Kerajaan Negeri menya-

lurkan peruntukan tambahan RM9.15 juta bagi menaik taraf dan membaik pulih kemudahan di Stadium Shah Alam.


Semua kerja dilakukan secara berperingkat bermula bulan ini antaranya membabitkan kerja penggantian rumput padang dan lampu limpah.

Bagaimanapun, FMLLP berkata pihaknya sentiasa bersedia dengan pilihan alternatif jika Stadium Shah Alam tidak dapat digunakan, antaranya Stadium Hang Jebat, Melaka dan Stadium Darul Makmur.

Saingan Superbest Power Piala FA 2016 sudah masuk ke peringkat separuh akhir membabitkan pertembungan Johor Darul Takzim (JDT) menentang Kedah sementara Selangor PKNS FC bertemu Perak.

Perlawanan separuh akhir pertama berlangsung pada 15 dan 16 April sementara perlawanan timbal balik pada

30 April 2016.



Tindakan tegas langgar disiplin

SHAH ALAM - Persatuan Bola Sepak Selangor (FAS) mengambil keputusan merehatkan Mauro Olivi selepas beliau mengaku bertanggungjawab memulakan pergaduhan dengan Mohd Hafiz Kamal.

Pengurus Pasukan, Amirudin Shari, berkata nasib pemain itu akan ditentukan Jawatankuasa Disiplin FAS yang dijangka ber sidang sekurang-kurangnya seminggu lagi.

Katanya, FAS sedang menunggu laporan bertulis saksi terdiri daripada individu yang menyaksikan insiden itu sebagai bukti kepada Jawatankuasa Disiplin.

"Setelah mendapatkan penjelasan, pengurusan mengetahui pasti masalah ini sebagai salah faham dan halangan komunikasi.

"Mauro Olivi mengaku bertanggungjawab dan kedua pihak sudah pun berdamai dan bermaafan," katanya dalam satu kenyataan.

Pada 8 April lalu, Mauro dan Hafiz dikhabarkan bergaduh di dalam bilik persalinan, ketika kekalahan 1-3 di tangan Felda United di Stadium Tun Abdul

Saya meminta semua pihak bertengang dan memberikan ruang secukupnya untuk pengurusan mengambil tindakan susulan

AMIRUDIN SHARI
Pengurus Pasukan Selangor

Razak, Jengka.

Amirudin berkata, walaupun Mauro mengaku, tindakan disiplin akan tetap diteruskan ke atasnya bagi mengekalkan keharmonian dalam skuad The Red Giants.

"Ini sekali gus mengetepikan dakwaan bahawa pergaduhan ini membabitkan seluruh pasukan malah pemain lain memainkan peranan meleraikan pergaduhan.

"Saya meminta semua pihak bertengang dan memberikan ruang secukupnya untuk pengurusan mengambil tindakan susulan," katanya.

MSN galak pembangunan sukan belia

SHAH ALAM - Majlis Sukan Negri Selangor (MSN) menyambut baik inisiatif diwujudkan pelbagai pihak menggalakkan pembangunan sukan menerusi program berteraskan golongan belia di seluruh negeri.

Timbalan Pengarahnya, Mohd Najwan Halimi, berkata komitmen itu perlu diteruskan bagi memacu kemajuan pembangunan sukan negeri di peringkat tertinggi.

Katanya, program Colour Run anjuran Mahasiswa Sarjana

Perniagaan Universiti Selangor (UNISEL) antara contoh yang wajar disokong.

"Apabila kita dimaklumkan pihak pengaju mengadakan program sebegini, kita memberi sokongan dan tidak salah untuk kita turun padang membuat kerjasama dengan UNISEL kerana aspek belia itu juga di bawah pemantauan pihak kami.

"MSN mengalukan sebarang aktiviti mahasiswa atau golongan belia untuk menjalankan program seumpama ini,"

katanya kepada SelangorKini.

Beliau ditemui pada program larian Colour Run Universiti Selangor (UNISEL) pada 9 April lalu.

Kerajaan Negeri melalui Bahagian Pembangunan Belia MSN Selangor konsisten merangka pelbagai inisiatif membangunkan dasar pertumbuhan sukan negeri ke peringkat lebih baik.

Keperluan itu selaras dengan komitmen Kerajaan Negeri menjadikan Selangor sebagai negeri Smart State mencakupi bidang sukan dan pembangunan belia.

UMA Racing rancang terlibat aktif taja King Of 2T

KUALA SELANGOR - Syarikat pengeluar dan pembekal jentera dan peralatan perlumbaan sukan pemotoran, UMA Racing Sdn Bhd bersedia terlibat secara aktif dalam penganjuran King Of 2T pada masa akan datang.

Pengarah UMA Racing, Jason Yong, berkata langkah berkenaan diambil bagi memastikan lebih ramai bakat muda menyertai pertandingan itu sekali gus mengenal pasti pelumba yang

boleh diketengahkan pada kejohanan lebih mencabar.

"Peningkatan penyertaan dicatatkan pada penganjuran kali ini membuktikan semakin ramai anak muda berbakat yang ingin mencuba nasib dalam sukan permotoran ini," katanya kepada SelangorKini pada Perlumbaan King Of 2T di Litar Rakyat Kuala Selangor di sini, pada 10 April lalu.

Jason juga mengakui kualiti





PIALA SULTAN SELANGOR 7 MEI



Stadium Shah Alam sedia beraksi

OLEH AFIX REDZUAN

SHAH ALAM - Pertembungan Piala Sultan Selangor 2016 bakal menjadi perlawanan pertama yang akan dilangsungkan di Stadium Shah Alam, 7 Mei hadapan.

Menteri Besar, Dato' Seri Mohamed Azmin Ali yang hadir membuat lawatan berkata, pembangunan Stadium Shah Alam penting bukan sahaja untuk Selangor, malah di peringkat kebangsaan

dan antarabangsa.

"Insya-Allah, itulah harapan saya dan sebab itu saya turun ke sini untuk memastikan semuanya siap sepenuhnya penghujung April ini."

"Kita perlukan seminggu sebelum Piala Sultan Selangor berlangsung pada 7 Mei untuk beroperasi sepenuhnya dan saya sudah mendapat jaminan Majlis Bandaraya Shah Alam (MBSA) bagi digunakan pada 7 Mei ini," katanya.

Setakat ini, Kerajaan Negeri memperuntukan RM12 juta untuk menaik taraf padang utama yang dijangka siap penghujung April dan boleh digunakan awal Mei 2016.

Mohamed Azmin berkata, selain padang, antara kemudahan yang dibaik pulih adalah bumbung, kerusi ruang petugas media, papan jaringan digital dan lampu limpah.

Katanya, lampu limpah dinaik taraf ke-

pada 1,200 lux sesuai dengan keperluan FAM dan dijangka akan ditingkatkan kepada 2,000 lux pada masa akan datang.

Hadir sama, Ketua Setiausaha Kerajaan Negeri Selangor, Datuk Mohd Amin Ahmad Ahya dan Datuk Bandar Shah Alam, Datuk Ahmad Zaharin Mohd Saad.

Sebelum ini, RM2.1 juta sudah diperuntukkan bagi pemasangan 80 kamera litar tertutup (CCTV) di sekitar stadium bagi menjamin keselamatan penonton.

Litar Rakyat gilap potensi ke peringkat tinggi

KUALA SELANGOR - Usaha Kerajaan Negeri mewujudkan Litar Lumba Rakyat tidak sia-sia ekoran litar berhampiran Stadium Kuala Selangor itu mendapat sambutan menggalakkan anak muda berminal melibatkan diri dalam sukan pemotoran.

Litar sepanjang 1.1 kilometer itu membolehkan anak muda mengasah bakat mereka di litar berkenaan dengan kos 'mampu milik'.

Pemenang tempat ketiga kategori Mix 4T Pro, Mohd Azmil Ahmad, 23, mengakui kewujudan litar itu ba-

Saya selalu berlatih di sini kerana litar sini agak baik untuk pelumba, malah boleh digunakan untuk perlumbaan Cup Prix kerana terdapat banyak ciri taktikal.

MOHD AZMIL AHMAD
Pelumba

nyak membantu beliau mengasah bakat dan kemahiran menunggang tanpa melibatkan kos tinggi seperti di kebanyakan litar lain.

"Saya selalu berlatih di sini kerana litar sini agak baik untuk pelumba, malah boleh digunakan bagi perlumbaan Cup Prix ekoran terdapat banyak ciri taktikal."

"Memang bagus untuk semua," katanya kepada SelangorKini pada Perlumbaan King Of 2T yang berlangsung di Litar Rakyat pada 10 April lalu.

Katanya, se-lain sesuai



Bakat baru dapat dicungkil dengan latihan yang lebih banyak.
Gambar kecil: Jason Yong

dijadikan tempat latihan, Litar Lumba Rakyat juga sesuai bagi sebarang pertandingan untuk mencungkil bakat baru sebelum ke pertandingan lebih berprestij.

"Perlumbaan begini boleh membawa kami ke peringkat lebih tinggi lagi kerana saingan di peringkat ini memberi pengalaman. Kebanyakan berlatih di sini juga semakin handal dan cekap mengawal jentera," katanya.

Bagaimanapun katanya, terdapat beberapa aspek yang boleh diberi penambahbaikan seperti memperbanyak ciri keselamatan dan mutu turapan permukaan litar.

Sementara itu Pengarah UMA Racing, Penaja King Of 2T, Jason Yong pula mendapati mutu litar dan pelumba menyertai pertandingan kali ini semakin tinggi berbanding sebelumnya.

"Standard di litar ini semakin baik dan sebab itulah UMA Racing menaja di sini untuk kita ber peluang kepada semua pelumba dalam pertandingan sesuai."

"Melalui cara ini, pasukan terlibat boleh mencari bakat baru untuk dijadikan pelumba profesional mereka. Pada pengalaman saya, hero mungkin ada seorang dua sahaja dalam sesuatu kejuaraan," katanya.

